

昌國典詠

四明張氏約園開雕

序

道光中上元朱氏述之撰昌國典詠十卷凡山峯巖洞
石塘地城畧洋礁港潭浦門灣池洲閘莊場芹田井堂
院倉課橋坊與夫短蓬鼎漏白鹿烏蜆蟹醬章舉纜魚
虎蟄架步饅華臍瓊結地青闌胡水母帶魚蠓山沙喫
魚腳撥棹紫菜瓦瓏玉珧柱海扇之屬以及亭堂樓宅
山房齋軒舍處祠廟觀寺墓處無所不詠都爲七言詩
二百二十有一首嗚乎可謂詳贍典實也已世或鄙歌
詠小道余覽此編爲喟然久之古者學無不切於世用

昌國典詠序

一四册叢書

一約園刊本

故無無本之學無無用之書山川地理尙書以之風俗
習尙三百篇以之物產土宜周官以之人物臧否春秋
以之運其思以效於用變化無方唯適之宜者尤大易
之妙用也此編雖小道可以見大用焉首詠定海山川
定邑爲寧郡咽喉舟山爲定邑門戶舟山固則定邑固
定邑固則寧郡以達紹郡俱固蓋其東控日本北據登
萊南互甌越西通吳會實海中之巨障片石峙天帆檣
不動則其係海防之重也道光中英吉利嘗攻其地大
寶山有眾萬人副將朱貴以九百人抗禦自卯至酉力

戰死之英人大衽葬其骼骹觀山上所謂寶峯酣戰者
也卽此二事觀之讀此編者顧可以歌詠小道而忽之
乎卽其初心又豈僅誇博麗哉覽者苟由吾言而取觀
此書庶不負斯人之作爲此書述之諱緒曾以舉人累
官浙江秀水孝豐知縣有循聲遷台州同知候補知府
所居秦淮水樹藏書十數萬卷丹青畫皆精審著有
續宋文鑑中論注論語義證金陵舊聞金陵詩匯筆譜
曹子建集考異續棠陰比事北山集開有益齋集讀書
志金石文字跋尾及昌國典詠定海胡止三翁嘗讎校

昌國典詠序

二四明叢書

續編刊本

斯編未及刊見於定海藝文志云民國二十七年一月
後學張壽鏞

昌國典詠目錄

徐士芬序

黃樂之序

呂賢基跋

甘炳跋

卷一

定海山

鎮龍山

翁山

州衙山

觀山

大淮山

昌國典詠目錄

四明叢書
物類彙編

雙髻山

雲嶼山

盤嶼山

岩峇山

金塘山

冊子山

鐵杵山

大箬山

桃花山

順母山

馬秦山

黃公山

塔嶺山

烏沙懸山

補陀洛伽山

東蕙山

梁鴻山

馬墓山

卷二

菊山

秀山

佛嶼山

岱山

錐砧山

高嵒山

胸山

三姑山

石門山

石弄山

大洋山

鼓吹峯

葛仙峯

達摩峯

玉峯

白華頂

崑山典詠

目錄

十二峯

書字巖

安期先生洞

法華洞

潮音洞

梵音洞

善財洞

紫霞洞

盤陀石

無畏石

紫竹石

烏石塘

三摩地

卷三

徐城

甬東壘

鹽倉舉

吳榭舉

洞舉

蘆花舉

舵舉

大展舉

北潭舉

白泉舉

皋洩舉

千礮舉

馬舉

小沙舉

大沙舉

岑港舉

紫被舉

頰河舉

卷四

昌國典詠目錄

三四明叢書

約園刊本

橫水洋

大茅洋

碇頭洋

蓮花洋

丁家礁

戰洋

香火礁

銅礁

黃牛礁

漚港

雙嶼港

洄潭

岱山龍潭

菖蒲潭

桃花龍潭

九節鰓潭

鄭山龍潭

天皇廟

查浦

卷五

螺頭門

竹山門

十六門

瀨門

響礁門

沈家門

黑棋子灣

白棋子灣

聖母池

芙蓉洲

平水關

筆硯池

貢士莊

曉峯鹽場

昌國典詠

目錄

四四明叢書

約圖刊本

岱山鹽場

嘉芹

塗田

舟山井

惠泉井

宮井

卷六

昌國儒學

育德堂

翁洲書院

岱山書院

紫陽書院

蓉浦書院

社倉

永豐倉

漁鹽

酒茶課

狀元橋

龍首橋

陳太翁橋

虹橋

聯桂坊

神童坊

短篷

翁洲銅鼎

譙樓銅漏

白鹿

頻伽鳥

長生蝠

鬘鬘

章舉

纜魚

虎螭

桀步

鯨

皇國典故

目錄

五

四明叢書

續圖刊本

華臍

瓔珞

地青

闌胡

水母

帶魚

蠟山

沙暎

龜腳

撥棹

紫菜

瓦瓏

玉珧柱

海扇

卷七

問潮亭

冰壺亭

洗心亭

受降亭

樂凱亭

雪交亭

治定堂

望海樓

黃給事宅

眞隱舊游

張孝子宅

陶平石山房

范主簿著作林

陳公臺

丁高士海巢

黃氏拙修齋

徐氏三益軒

王氏復翁堂

李氏遠清堂

李茂才野軒

昌國典詠

目錄

六四明叢書

約國刊本

嚴員外旅舍

王少參永思樓

陶氏光霽堂

施印泉山房

吳忠烈寓室

孫忠襄旅舍

沈嶠陽尋母處

卷八

徐偃王祠

黃公祠

梅仙庵

陳大王廟

茹侯廟

蔣學士廟

葛參政祠

劉邑侯祠

余少傅祠堂

千大聖廟

烏哲塲圖公祠

帖侯祠

火斌祠

徐公祠

張莊節公祠

安洋將軍祠

成仁祠

三皇廟

道隆觀

謝龍王廟

卷九

普慈寺

祖印寺

吉祥寺

萬壽寺

昌國典詠

目錄

七

四明叢書

約圖刊本

延福寺

興善寺

隆教寺

翠羅金鐘寺

金塘普濟寺

回峯寺

梵慧寺

補陀普濟寺

法雨寺

普明寺

超果寺

華雲寺

卷十

征南劉將軍墓

韓學士墓

郭先生墓

王祕書墓

孫迪功墓

應參政墓

余太師墓

開夫人墓

韓句容墓

傅烈女墓

張忠穆公墓

張定西墓

同歸域

繆公衣冠墓

定海令姚公殉節處

昌國典詠清朱緒曾撰緒曾字述之江蘇上元人
道光二年舉人由知縣遷至台州同知候補知府
好讀書非公事不捲卷青鞵布襪時出坊肆中道

昌國典詠

目錄

八

四明叢書

約圖刊本

光二十六年定海收復檄襄理善後事道出鄞鎮

因搜集昌國州志舟山志及乾道四明圖經寶慶

延祐至正諸志鉤稽考證博綜古今引一書必合

諸書以詳始末持一說必兼眾說以決異同事蹟

既明又系以詩成昌國百詠既而所得益多遂更

今名咸豐閒洪楊入金陵緒曾寄居鄞之東鄉復

與徐時棟辨晰疑義反復討論蓋至是而稿經三

四易矣時棟稱其囊括弘備自來數定海掌故無

出其右者厥後黃以周修定海志多采用其說謀

刊而未果是本向藏鄞城江氏子於癸丑七月得
之民國二年十月馮貞羣

賈耽好地理學凡山川土地之終始九州之夷險區分
指畫備究源流其上表云伏波之聚米開示眾軍鄧侯
之圖書方知阨塞偉哉經世之要典也舟山海外一隅
耳憶庚子歲鯨波不靖爲蜃霧所蝕吳越告警軍書旁
午卞竹辰方伯總理糧臺朱述之大令參預謀畫竹辰
癸未會試出余門下朱爲余壬午典試江南所得士也
竹辰嘗以書言朱君誠信質直足以倚任勞不避險才

昌國典詠

目錄

九四明叢書

約圖刊本

膽以博羽檄飛馳不廢吟嘯越丙午歲收復舟山朱君
從事海外蓋鞅掌況瘁者七年矣余以書勸以兵燹之
餘收拾圖籍綜核今古勒爲一編知其必有以副余言
也余丁未乞假歸里今年戊申朱君攝牧海昌余往觀
潮朱君持所著昌國典詠十卷就質是余志也當海氛
未息議者或疑舟山本非中國地詢所自始余曾舉翁
洲見韋昭國語註徐城見史記正義唐置翁山宋設昌
國元毘爲州明立爲衛以證之今覽是編凡山川洋壘
之險墩臺關隘之數輿廢戰守之迹忠臣義士之祠墓

名賢學士之第宅引一書必合諸書以詳始末持一說必兼眾說以決異同俗語之訛謬也以古志辨之古志之疏略也以正史糾之激發性情之原博綜古今之要俾覽者不敢以海外荒僻之地而鄙夷之舟山何幸而得此哉宋人多以一地爲一集如阮閱之彬江張堯同之嘉禾曾極之金陵許尙之華亭方信孺之南海不過倚撫畸零以補志乘之缺猶爲後人所寶貴若茲編之淵懿浩博以之稽風土皆足徵之事以之資治術皆有用之言是能讀左史之九邱擅司空之六體矣余於桑梓之鄉綢繆牖戶惓惓不忘懸車以來海上往事輒向人詢問金塘橫水蘭搖秀舞如在目前獲睹斯編披吟弗輟余旣喜朱君之不負所學又悲竹辰之朝露而不及見也道光二十八年戊申三月通家生當湖徐士芬

辛庵序

昔君以名孝廉出爲茂宰時海氛不靖東望舟山烽火極天大府以君才激贊幕府借箸磨盾厥績偉如惜其才之未盡展也賴天子聖仁島夷效順收復版籍君歸治天日弦歌餘暇稽古無輟時同列者爭要津馳捷徑

或顧君而擲揄之君不顧也余分巡浙右心景君賢比以公事接見未盡叩其所藏今年巡視海塘適君權牧海昌得以上下其議論索觀茲編益知君賢甚夫世之邑大夫涖其土者催科而外了無所問矯其弊者或又網被放衙棋局消晝間以山川風俗有茫然莫知其要者以視斯編君不誠賢乎哉至其筆力之雄健抱負之奇偉非胸有武庫者不能嗚呼士元豈百里才哉士元豈百里才哉爰識數語於篇首道光二十八年戊申七月年愚弟龍澤黃樂之愛廬序

昌國典詠

目錄

十四明叢書

約園刊本

昔馮福京郭薦撰大德昌國州圖志七卷首列三圖今圖佚而志尙存論者稱其簡而能括足開武功朝邑等志之先朱君述之司馬著昌國典詠根據是書而正其訛謬補其缺遺並博采乾道四明圖經寶慶開慶延祐至正諸志以證異同凡山川塘堰及書院社倉鹽場泉井祠墓之屬釐然畢載較之馮郭所分八門更爲詳洽徐辛庵侍郎許爲有用之言誠不虛也基於辛亥秋奉命典試浙中朱君爲內簾監試闈中出此編見示讀數因跋數語以志欽佩咸豐元年八月初九日愚弟旌陽

呂賢基拜跋

定海孤懸海外城如彈丸島嶼遼闊城民儉樸愚民强悍自海市開後盜賊出沒無常道光二十一年升爲直隸廳以同知治焉咸豐庚申正月余奉權斯篆知述之先生著有昌國典詠十卷凡山川島嶼學校祠墓甚爲詳洽因往借讀先生曰書尙未刊王石鯨太守曾攜去未歸其草稿尙有存者盍取閱余欣而受之及之任復覓康熙閒繆公燧所修縣志久之始得擬就先生所著闕者補之訛者正之未及開雕而英法兩國兵船駛入

昌國典詠

目錄

三四明叢書

約園刊本

洋盜土匪乘隙蠢起馭外攘內何暇及此事甫定適奉大府檄以他役調省謀刊之舉遂不果行又值羽書交馳余與述之石鯨如參商不相見然猶冀見諸異日也不意兩先生相繼歸道山竟不相見矣迺兵燹而書又不知散失何所矣所幸余假之藁尙存篋中特爲檢出以付先生哲嗣崇嶧明經爰識數語以歸之同治丙寅十二月同里愚弟甘炳拜跋

昌國典詠卷一

清金陵朱緒曾述之撰

昌國典詠

道光景午五月余至舟山縱覽山川形勝關隘烽
埃與搢紳耆老往復討論繆蓉浦定海縣志莊對
樵定海續志記載雖詳罕徵古籍爰取寶慶四明
志大德昌國州志正其舛漏復采乾道四明圖經
開慶延祐至正諸志及舟山志以古證今列其同
異更爲旁稽博考附益近聞詩以紀事積而成帙

昌國典詠 卷一

一 四明叢書

約園刊本

背張逸問鄭君山川能說鄭君答曰兩讀或言說
說者說其形勢也或曰述述者述其故事也余是
編竊取二義因名曰昌國典詠有所不知蓋闕如
也覽者擇焉

定海山

寶慶四明志舟山去縣五里趨城由此塗出令

趙大忠新創隄岸臨江校官應繇記

緒曾案記
文不傳

昌國縣東西五百里南北三百里西南至州驛
三百五里舊志云然然海面際天本不可以里

計也東五潮至西莊石馬山與高麗國分界南
五潮至隆嶼與象山縣分界西一潮至交川山
與定海縣分界北五潮至大磧山與平江府分
界東南三潮至韭山與象山縣分界西南二潮
至三山與定海縣分界東北五潮至神前壁下
與海州分界西北三潮至灘山與秀州分界大
德昌國州志舟山在州之南有山翼如枕海之
湄以舟之所聚故名舟山州城周廣五里城門
六所重門擊柝以待暴客則封域之有扃鍵尙

矣舊無之升州後所創也東江門東隅西川門
西隅南門南隅上榮門北隅舟山門西南隅艮
川門東北隅成化寧波府志舟山狀如覆舟船
棹往來於此維泊何汝賓舟山志舟山古邑治
四面環海東接普陀桃花南連崎頭橫水洋西
接長白馬墓北連長塗劍山自所城至東塘頭
烽墩程一百里至南舟山烽墩程三里至西碇
礮烽墩程六十里至北千甌烽墩程三十里自
蛟門至橫水崎頭等洋海面四達均宜設兵船

防守夫定邑爲寧郡咽喉而舟山爲定邑門戶

攘外正所以安內舟山固則定邑固定邑固則

寧郡以達紹郡俱固有地方之責者不可不深

長慮也按定邑今鎮海定海縣志康熙二十六年五月

改舟山爲定海山以山名舟則動而不靜因易

名焉二十七年建縣治卽名定海改舊定海爲

鎮海焉定海知縣繆燧御書亭頌云國家道洽

四訖版圖之廣曠古未聞聖天子神明天縱之

姿耀輿方夏哉成通變皆合機宜康熙二十五年

年從文武大臣之議展復舟山御書定海山三字卽以名縣舟爲動物莫之以靜大哉王言侍

昌園興詠卷一

三四明叢書

約園刊本

臣齋仿到山壘工有司忭舞交慶迺建御書亭

一座於學宮綵以丹垣鑰重門施黃幄而額

焉小臣燧每當朔望率屬偕師儒從鎮臣之後

叩頭瞻仰講上諭十六條對揚之下不違咫尺

定之臣民何幸而際斯榮盛也猗歟休哉敬拜

頌曰屹茲翁山扶桑之隅南溟之舊矣民居

建州立邑時有緩急舉而棄之歷年三百恢恢

皇圖坤輿乾符罔弗亟載爰建大謨可耕可牧

連岡邃谷以舞以歌復我邦族宸翰用頒哀鴻
始溥莫茲荒域以定名山萬峯矗列重樓高揭
赫赫王言天威咫尺別有潮音其義甚深龍騰
鳳翥揮灑祇林神山浩貌匪帝所好宣威德乎
惟民是保禾稼屢登萑符不興玉燭四照泰階
三平爰詔海若懍茲書閣凡我民人片帆勿虐
浴鐵三千將軍在焉風柔浪穩銀囊金船按圖
稽史斯成黑子孔道諸番悅而成市雲擁風翔
絡繹梯航驪首彤庭僉曰天章東西定海知縣
南朔無思不服燧頌萬年維道是卜

莊綸澗字對樵武進人乾隆壬戌進士由武康

仍發浙江復由上虞調定甘肅寧州知州部議降級

海著定海續志問義軒集重建御書樓記云舊

稱舟山自康熙二十六年海氛綏靖督撫疏請

展復疆界聖祖仁皇帝謂舟為動物親灑宸翰

錫名定海山二十七年設縣立治即以定海名

縣此昔日御書樓所由建也樓在學宮之東翼

然三楹門分左右各三楹向懸寶額供龍牌於

樓上凡壽朝賀暨朔望宣講俱於此虔肅行

禮蓋儼然咫尺不違之意自乾隆十四年颶風

為害樓傾圮前令營請帑重建因方鼎新學校

未及允行歲癸酉余由吳興調任茲邑下車謁

聖日見樓之舊址鞠為茂草朝賀宣講諸大事

率在祖印寺心耿耿者兩年爰勸紳士輩捐貲

重建明經王杲慨捐金五十其他應者雲集計

前此奉檄估計木植磚石之費約需四百九十

餘金而紳士所捐適符其數余即詳大府詔吉

重園典詠

四四明誌書

約園刊本

庀材委巡司耿君督視工匠選紳士之廉幹者

經理出納興工於十九年之八月落成於二十

年之四月雖規模由舊而木石加堅丹雘加麗

鳥革疊飛復得與贊宮相輝映嗚呼此雖倡導

由余然非諸紳士踴躍各輸其尊君敬上之忱

其能合舉鉅費呼之立應如取諸寄且互相董

勸不日成之如此此今日御書樓所由記也昔

歐陽修作仁宗御書樓記曰記詞榮光也而燭天

夫翰墨之賜類非偶然況我聖祖仁皇帝御筆

鴻題以是得名所係尤鉅也成適觀察羅公

按臨瞻仰畢拾級而登翠然高筵兒煙少萬家

帆檣遠至謂一幅海外昇平圖也恭頌一聯鐫

縣樓下綸滑頌聯二懸齋前及二門外左右大

門各額額左曰誕敷文德右曰丕冒海隅凡以

使人仰宸翰之昭仰即深天威之震疊將於是

乎在至於紳士之踴躍樂輸差其捐數之多寡

引別旌獎其姓名仍前道光二十一年三月陞

勸諸首以示鼓勵云

縣爲定海直隸廳

一鏡磨青島嶼環巍我片石峙天關帆檣不動蛟龍護
日月高懸定海山

鎮鼇山

寶慶四明志縣廳鎮鼇山下山自北來爲龍峯
蜿蜒南走屹爲一小峯縣治據其麓熙寧六年
八月十九日創有宣詔鼇峙淨香鬪雲廉泉五
亭大德昌國州志鎮鼇山在海中屹然有六鼇
背負之勢州治據其趾而坐鎮焉因以名其堂

昌國典詠

卷二

五

四明叢書

約園刊本

有敬簡齋蓬萊道院愛蓮堂前有蓮池又拂雲
亭在州治後山海光亭在拂雲亭之上至正四
明續志昌國州治在郡東海中洲鎮鼇山下至
元十五年謂海道險要陞縣爲州因縣廢而爲
治廳事後有堂曰鎮鼇副廳之東偏爲蓬萊道
院又有兩廡挾以吏舍吏目廳後西偏有齋曰
敬簡外爲臺門中門斗亭在翁山後紀至元六

年知州徐敬建舟山志敬簡聞韶記云

令於民
爲最親

撫字惠養職也而或有以病民者其故何哉是
殆未知臨民之道也道烏乎在傳曰君子敬而

無失繁辭曰簡則易從易簡而天下之理得矣
蓋敬則不欺不欺則意誠簡則不擾不擾則民
安斯二者於從政乎何有可使南面吾夫子嘗
以許仲弓果何修而得此哉尼敬而行簡庸非
其臨民之要旨耶有慨於心曰今之從政者不
然顧以挾智用術爲己能發姦摘伏爲可以使
人懼烏在其爲民師也廳事後之西偏有小室
二東城西圯將就覆壓古人一日必葺宜不如
此乃因舊材而新焉斲之削之損之益之演而
爲三中廣丈有四尺西增二楹廣如之翼乎旁
者半其廣不費於官不勞於民成之不日左爲
奉先之所右扁曰敬簡嗚呼敬簡之義大矣哉
此心之存天地鬼神昭布森列少有懈焉紛紜
膠鬲是非易位奚其政退食自公端在此堂治
己治人念茲在茲庶
幾無愧命名之意云

韓搏建孫恕記云州治舊縣治也創於前宋葺
於至元歲久頽圯知州事韓

畱國典詠卷二

六四明叢書
約園刊本

侯奉政既至顧瞻其地且異之意若經營以務
未遑也視象以來行之以寬裕本之以廉明同
寅協和吉德參會農隙既閒乃鑿作新堂
於池亭之上周河浚嚴環楹聯輔移亭於山屹
然突兀閒以芳樹濬以潦沼其下有堂曰鏗鼇
齋曰敬簡曰公明命彼工人一朝畢葺低昂相
依翬飛鱗集賓館森布左右其宜若夫星月雨
露風情雲物之奇山原島嶼草木泉石之美魚
蝦連天而渺渺龍鼉波積雪以盈盈陟彼山亭瞭
然在目開襟襟盡非但極雄偉之觀亦足以增
氣象於中州陸形勢於海國豈如蓬弱之隔可
望而不可卽耶既成俾恕書之辭弗獲恕聞之
地無數惡因人則興官無小大得人則治人爲
萬物之靈地蘊千年之秀遇不遇時也今是役
也豈造物者有所待以遺其人乎能於撫字之
餘使民以時由是輝前映後官府以尊事簡民
安境內稱治榜斯堂曰清白清言其德白言其
容也一時同僚皆廉正有守者也蓋將穆如清

風繳如白日俯仰云乎哉詩曰維其有之是以
似之邦之人士乃刻於茲石俟君子以觀覽焉
舟山志鎮鼇山舊縣治據其麓洪武二年改州
爲縣十二年立昌國守禦十戶所時明州衛守
禦千戶募成立地五百丈未竟次年指揮許友
展跨鼇山成之洪武十七年以東南控海之地
乏兵以守恐致寇害命設衛所及岑寶螺岱四
巡司隸於縣二十年揚信國革衛縣學校遷其
民於內地夷縣爲二所帶屬定海縣今鎮海定海
縣志今爲總鎮府一名鎮山宋淳熙閒賜名鎮
鼇緒曾按趙與沐岱山書院記云淳熙閒宸龍
以鎮鼇名山川改觀是也

名湖淳熙錫寵褒海光亭拂海雲高寄聲龍伯休拋餌
萬古靈峯穩戴鼇

翁山

唐會要明州開元二十六年七月十三日析越
州鄞縣置仍置奉化慈谿翁山等縣慈谿以房
瑄爲縣令翁山以王叔通爲縣令廣德元年三
月四日以袁晁賊廢太平寰宇記廢翁山縣唐

開元時與明州同置大曆六年因袁晁反於此縣遂廢之元豐九域志明州熙寧六年析鄞縣地置昌國縣又云下昌國句州東北一百七十五里四鄉一鹽監有雲霧山西湖乾道四明圖經下昌國縣本鄞縣地周環皆海窮東一涯而地不相屬與明州同置卽翁山縣是也大曆八年海寇袁晁作亂此邑遂廢皇朝端拱二年置爲鹽場宋朝會要熙寧六年王安石割鄞縣三鄉創置文獻通考慶元府昌國居海心大德昌

昌國典詠

卷一

八

四明叢書

約園刊本

國志創縣名爲昌國意其東控日本北接登萊南互甌閩西通吳會實海中之巨障足以昌壯國勢焉八年又益以定海縣之金塘鄉紹興十三年戶部員外郎沈麟編類民籍戶計萬餘丁口再倍德祐元年中書左丞行浙東道宣慰使哈巴岱提師壓境遂歸附焉是爲至元十三年縣仍舊至元十五年三月朝廷謂海道險要陞縣爲州以重其任時劉思義受宣武將軍達魯噶齊以州印來領州事人心帖泰實嘉賴之

至元十七年復置縣隸於州二十七年縣仍廢
止單州焉舟山志翁浦山又名翁洲山去城東
四十里唐置翁山縣以此命名緒曾按唐會要
以王叔通爲翁山縣令寶慶四明志引作鄧令
與今本會要不合余見唐了緣和尚靈塔銘題
授鄧邑令王叔通撰并書云開元二十六年歲
戊寅七月旣望了緣禪師圓寂又云來鄧甫三
月簿書卒卒欲造未果而遽得其耗據此則叔
通已先爲鄧令鄧本營縣翁山新設難治或徙
叔通爲令否則會要及寶慶志所引必有一誤
也寶慶志又云開元二十六年七月十三日從
采訪使齊澣之請以鄧縣置明州初置時領
縣四曰鄧曰翁山曰奉化曰慈谿廣德二年益
以象山縣大曆六年省翁山縣所言廢翁山縣
之年與寰宇記合與會要異考舊唐書寶應元
年八月台州賊袁晁陷台州連陷浙東州縣二
年四月李光弼奏生擒袁晁新唐書寶應元年
八月辛未台州人袁鼂反九月癸卯陷信州十

月乙卯陷溫明二州廣德二年十一月癸丑袁
量伏誅肅宗寶應二年卽代宗廣德元年兩唐
書本紀相去一年新唐書李光弼傳亦云廣德
元年擒晁資治通鑑亦云廣德元年四月庚辰
擒晁則舊唐書本紀不誤也至大曆六年平晁
已久廣德元年癸卯大曆六年辛亥相去凡九年翁山因晁而廢常
以唐會要廣德元年三月爲確自開元戊寅訖
翁山至廣德元年廢凡二十六年

縹緲三山更十洲仙踪迹杳難求五丁力士輸齊泝

皇國典詠

十四明叢書

約園刊本

華路公開萬井稠

舊唐書齊泝定州義豐人開元二十五年遷潤州刺史充江南東道採訪

處置使新唐書地理志明州餘姚郡上開元二十六年採訪使齊泝奏以越州之鄞縣置以境有四明山爲名

州衙山

寶慶四明志初置縣以簿兼尉隆興元年守臣
韓仲通請置武衛乃詔衛開中專主簿事廳事
在縣東乃尉廳爲之尉熙寧六年先令而置凡
三鄉鬪訟盜賊之事得專爲惟情狀隱伏始以
屬邑已而置令詔正兼簿隆興元年五月易以
西班牙與之並置而廳舍圭租皆與尉分之開

禧重修右選格慶元府昌國縣尉右注年未伍

拾有材武人宋樓鑰昌國縣主簿廳壁記昌國

屬邑實海中一大島也以山經地志數家考之

唐開元二十六年七月十三日析越州鄞縣置

州仍置奉化慈谿翁山等縣大率多析於鄞明

今爲慶元府鄞復爲鄞翁山卽昌國也大曆六

年三月四日廢於袁晁之亂故唐書地理志元和

郡縣圖志止列四縣曰鄞奉化慈谿象山而圖

志於鄞縣云翁洲入海二百里卽春秋所謂甬

東越滅吳請吳王居之者也其洲周環五百里

有良田湖水多麋鹿圖經翁山一名翁洲十道

四番志云徐偃王居處城基猶存皆今之縣境

也皇朝端拱二年始爲鹽場熙寧六年部使者

以蓬萊安期富都三鄉與鄞縣隔海請置一尉

以司關訟盜賊事王文公嘗爲鄞令創縣賜以

今名元豐元年又割定海之一鄉隸焉初以邑

昌國典詠卷二

十四明叢書

約圖刊本

小憚費以尉兼海鎮之職隆興初海寇猖獗郡
守尙書韓公仲通奏更置武尉而職始分邑之
未立一尉獨尊承平民有餘力官舍壯麗他邑
無能及者而簿廳始因草創久覺敝陋居者懼
將壓焉累政欲爲而不逮慶元二年平陽楊君
既至慨然欲一新之既數月公勤明敏孚於上下
嘗試爲之圖郡造浮梁邑有餘材君請得之捐
費調度雖人相與分材効力不勸而集鳩工於
三年初夏落成於十月之乙未爲廳三間高廣
加於前數階與廳稱是徙廳右之神祠於左廊
廡吏舍一切更造木工一千五百有奇役夫二
千優與之值費錢纔千緡父老爭持酒幣以犒
工役啗曰民不告勞而輸與若此何其神速也
始余官於朝故人劉聞叟嶠雲以書來曰外子
楊正臣欲附計臺一試望有以惠顧之已而中
其選遂登紹熙元年進士第鑰也初一見面而
奇其貌與文今又益知其才矣余郵人也而未
嘗涉海第聞出定川鮫門山水天無際風帆迅

駭窮日而後至昌國故雖寶陀安期蓬萊之勝
願遊而不果惟邑人往來誦揚君之政至不容
口發軔之初臨事不苟如此遠業殆未可量也
邑士請記其實且曰揚君將去不可以無傳故
欣然書之緒曾按寶慶開慶二志不詳丞
簿舟山志宋時丞簿無楊正臣可補其闕又明

鄭真榮陽外史集贈昌國縣典史馬君德明序

昌國在海中洲地號險阻而異時道德文章之
士項背相望有登廟堂而參大政者百餘年以
來故家餘風猶未澌盡操翰墨而事簡編者往
往有之若夫習險之徒張網罟舉舟楫乘時逐
利妄動蓋有陷溺於流俗而不自知者是豈可
概觀之哉嗚呼天之生人秉彝好德之心固人
人之所有也長民者撫而安之未有不可使爲
善者況昌國爲明之屬邑文獻之遺有足以興
化致理者乎自武林馬君之來典文幕也逾嘗
國家開創之初虎旅奮揚誅暴禁亂島嶼之閒

昌國典詠卷一

三四明叢書

約園刊本

瘡痍呻吟者未盡起也飢渴困踣者未盡甦也
流離轉徙者未盡復也然而甲兵繕修之急錢
糧征斂之重簿書期會之煩綱領提挈咸視君
取則焉其何以善於其職歟而君也潔廉無私
剛介有守藹然愷悌之意形於言惻然隱恤之
念見於政凡郡府公務之需有不能應者挺挺
爲民侃侃言之雖至於譴怒言之益力必期於
免而止故上自愛其誠庶民懷其惠而君以能
吏聞矣近者屬郡府以屬縣戶口之籍未成也
命君程督之君晝夜盡心焉既而以就緒告遂
復歸典幕事斯民咸感歎相謂曰吾民其庶幾
有瘳乎於是其邑之長老咸屬筆於余俾敘其
事以志不忘云余惟士之學爲政也不以位之
大小祿之厚薄志於利民而已故政在天下則
天下之民受其利政在一邑則一邑之民受其
利隨其所在而設施之亦各盡其職焉耳以君
由儒入吏其在典幕之位位誠卑矣祿誠薄矣
而君不鄙夷之誠所謂有志於民者歟夫有志

於民而民德之必使著之言辭以表見於世其
文獻之遺俗有足觀者歟興化致理顧所行何
如爾君其尚又贈昌國縣典史馬君德明序
慎終始者哉
子建國之初大兵徇地浙東明之父老具箚食
壺漿百拜請降天子憐之命守臣分治其地且
有以撫綏之明年國號大明改元洪武浙江省
臣欽承旨意撥命新具圖籍明郡長貳承奉恐
後且相謂曰賦役之法其根本係於田業不先
定其田業雖有良法美意何從施之遂命六縣
之民凡山田疆里之宜某稅某斂之數悉登載
之且擇邑從事之賢者偕昌國縣典史馬君程
督之君守之以正持之以公不亟不矜咻喫致
諄無有倦意執筆操觚之士咸同心一志不敢
少肆隱欺之弊其征科舊湏閒有輕重失宜爲
民病者悉釐正之於是大編巨帙臚分類別披
而覽之若躬歷焉昌國之民相聚言曰民之望
君也久矣其歸撫我乎由是郡府俾還理縣事

昌國典詠

卷一

三

四明叢書

約刊本

同里之士凡十餘人賜酒奉別江水上有惘惘
之色因命余序其意余惟版籍之傳也尙矣周
禮職方氏掌天下之圖與其財用以周知其利
害而司民之官且正其都鄙郊野三年大比以
其民數詔小司寇獻之王王拜受之藏之天府
是則土地人民固有天下者之所甚重也國家
誕膺天命幅員之廣至於濶沿視粟固已囊括
無餘矣况吾邦在畿甸之下千里而近其有
致其謹者乎君承郡府之命恪勤若此其能
在上之心爲心者哉余蓋居里巷貧而且病無
名聲之聞而昌國之人往來言君之善者余旣
爲文樂道之矣而里之先達老成尤德君不忘
則君之及人者蓋可想矣安敢以言之重詞之
覆而不以著君之美乎君字德明武林人早以
儒試吏所在有聲蓋

緒曾察昌國元至元十五

年陞縣爲州至元十七年復置縣隸於州二十

七年縣仍廢止稱單州鄭真贈馬君德明序兩
首俱云昌國典史蓋洪武二年改州爲縣與衛
並處明太祖卽位金陵於玄武湖置黃册庫貯
天下戶口圖籍馬德明以昌國典史奉郡府命
編六縣之戶籍追蘭秀二山姦民構亂二十年
信國公湯和徙民入內地雖有王國祚之請然
廢縣存衛非復舊時之戶籍矣舟山志鎮鰲山
左曰州衛山嶠巖多怪石巔平可構屋又云觀
山定海縣志州衛山城東南隅平阜突起城抱
其麓唐宋閒簿尉分治於此因名或云元時欲
設州治衛者謂其土輕不果或作霞山非緒曾
案唐簿尉治無考據寶慶志尉先令而置則此
乃宋時尉簿治也元吏目司在州公宇至正四
明續志捕盜司本州判在州治西一十步大德
二年五月創建山上有文筆塔舟山志嘉靖癸
亥春都督盧鏗知縣何愈都指揮李興建舊在
觀山今移置於此又有文昌閣舊圯復建

州南山色尙排衙一塔凌空筆有花繪出海天眞景象

問誰五色洗雲霞

觀山

觀工喚切
冠去聲

寶慶四明志道隆觀縣南本東嶽廟宣和二年
賜觀額守臣樓昇所詩也舟山志翁山一名觀
山去城東南半里乃受降黠賊王直處又云道
隆觀去縣一里南東嶽行祠定海縣志觀山城
東南半里朱建道隆觀於其下

詳道隆觀

緒曾案觀

山以道隆觀得名舟山志判爲二地又混翁山
之名俱非也今名東山上有東嶽宮道光二十

昌國典詠

卷一

十五

四明叢書

約園刊本

一年總兵葛壯節公雲飛新建振威城北開向
日門南對港爲五奎山卽烏龜巖大德昌國州
志烏龜巖在州之西山有一石狀如龜是也東
山有墳纍纍英吉利葬其國骸骸於此又立一
塔乃慈谿大寶山之戰爲朱副將貴所擊斃者
彼國自焚其屍聚骨其中朱字君山江南上元
人移籍甘肅二十二年二月初四日夷攻慈谿
大寶山領部下九百人敵夷萬眾自卯至酉力
戰死之夷亦大斃舟載夷屍累日不盡痛哭驚

悖相謂曰入犯以來未有如大寶山之力挫其鋒也夷自是膽落不敢深入余聞大寶山殺夷甚夥今見此塔乃知朱將軍之非敗也勝也緒曾嘗爲大寶山廟記敘戰事甚詳

振威城堞入雲齊向日門開建鼓鞞若問寶峯酣戰勇請看京觀築鯨鯢

大椎山

大德昌國州志大椎山卽州治照山儼若屏障在前四望其形如一州民卜居者面此山爲風

昌國典詠

卷一

十六四明叢書

約園刊本

水舟山志關山圓峯聳躡爲城之內案上有洋

山廟關山烽堠隆慶元年把總李誠立坊題東

南第一關讀史方輿紀要舟山中中千戶所治

昌國故縣城中城周七里洪武十二年重築明

年城成設守禦昌國千戶所十七年改置昌國

衛二十年縣廢移衛於象山縣境改建今所永

樂十六年增葺所城所南二里曰舟山關舟中

山左千戶所亦治昌國縣故城定海縣志關山

城南二里翁洲三面阻山俱自北而東而西東

西之山各至海而盡其南海外皆有山而內無
別山故樹坊表之曰東南第一關緒曾案大椎
山卽關山東接東江浦西接衙頭道光二十一
年裕靖節公謙築土城開久安長治二門起自
竹山門至青雷頭

四面屏風九疊環當門顏色愛煙鬟衙頭幾日占風腳
此是東南第一關

雙髻山

大德昌國州志雙髻山州之最高者距州治僅

昌國典詠卷一

七

四明叢書

約園刊本

十里層巒聳結宛如雙髻舟山志突兀而起曰
雙髻山二峯如髻矗立天表特出羣嶂眾山羅
列城之四出諸山環繞起伏咸所出也相傳葛
稚川鍊丹處定海縣志在縣北十里有棋枰石
磴

天邊高聳髻丫雙咫尺仙都建寶幢山似舟形檣對矗
北門鎖鑰截驚瀧

雲嶼山

大德昌國州志雲嶼山與竹嶼山對峙

竹嶼山
見竹山

門山勢稍崇雲氣常滃鬱附潮而下者由此謂之雲嶼門

九天垂翼化鵬鷖郁郁輪囷散復屯多少神仙排隊仗龍璈大樂奏雲門

盤嶼山

大德昌國州志盤嶼山與竹嶼山相左右中有一小聚落田可耕海可煮編亭置竈於內以其山勢環擁故曰盤

圖就熬波又插苗居然盤谷可逍遙若教李愿移居此更有韓文湧似潮

昌國典詠

卷一

十八

四明叢書

約園刊本

岩峇山

寶慶四明志岩峇山之艾葉肥大如本草所述大德昌國州志岩峇山在海之東山之巔產白艾重午人采之元吳萊甬東山水記東從舟山過赤嶼轉入外洋望岩峇山山出白艾地多蛇定海縣志摘箬山卽火燒門離縣西南約十里相傳地產白艾多蛇緒會棗文選張平子南都賦岩峇鬼注埤蒼曰岩峇山不齊也名取諸

此今名摘箬山以音近而訛水道提綱火燒門
港與穿山竊竊二所相對火燒門今名吉祥門
崑崙山南爲竹葉山出碕頭洋

組綸紫絳賦吳都更炙冰臺到海隅山勢蜿蜒門列炬

操蛇神握夜光珠

寶慶四明志紫菜吳都賦曰綸組紫絳注云紫菜張華博物志削冰合圓

舉以向日以艾承其影得火故號冰臺

金塘山

輿地紀勝昌國縣熙寧六年王安石割鄞縣三
鄉創置乾道四明圖經昌國縣熙寧六年鄞邑

昌國典詠

卷一

十九四明叢書

約園刊本

令王安石請於朝復割鄞縣富都安期蓬萊三

鄉初立元豐元年又割定海縣

今鎮海

金塘一鄉

隸焉其四鄉爲下縣大德昌國州志金塘鄉占

西南總四都里一湖上里村二大畝村在西烈

港村在南畝四十三按今烈港大畝蛤蚶東垵

西垵岑江仍舊名小里今作小李又有金塘渡

定海縣志金塘山離縣西約八十里巨浸海中

周圍百餘里山田塗蕩數萬畝宋元時稱極盛

明信國公湯和徙民內地遂棄之萬曆十五年

巡鹽御史李疏請開復康熙二十七年知縣李
侗詳請開墾遂成熟壤譬之家翁洲爲門金塘
爲庭鎮海爲室相爲唇齒者也硯頭烈港有兵
戍守康熙時知縣繆燧議小李巽添營汎東墩
西墩二門各置墩臺

翁門鎮室此堂皇唇齒相依策應良小李東西連二墩
金塘屹立作金湯

冊子山

乾道四明圖經冊子山在縣西北二百五十里

昌國典詠

卷二

二十四明徵書

約圖刊本

寶慶四明志冊子山在西北大德昌國州志金
塘鄉有二冊子一在岑江背一在海西又冊子
渡海防書海上諸山分別三界黃牛山馬墓長
塗冊子金塘大榭蘭秀劍山雙巖隻塘六橫韭
山壇頭等山爲上界灘山許山羊馬蹟兩頭洞
漁山三姑霍山徐公黃澤大小衢大伾頭等山
爲中界花腦求芝絡華彈丸東庫陳錢壁等山
爲下界率皆潮汐所經倭寇必出之道也定海
縣志冊子山圖有大巖浦白雲寺亂石浦又云

烏扇山離縣西約五十里半洋礁一名碗盞礁
在橫水洋之半冊子山離縣西約八十里定海
金塘相爲對峙中隔水大洋冊子居中以塞北
洋之水其東岑港近內地其西爲西垵門當大
洋其東南桃夭門有桃花女山爲檣烏棲泊之
所

嶼飛鳥扇半洋腰冊子山形壓巨潮亂石浦開禾稻熟
釣船盞簇泊桃夭

鐵杵山

昌國典詠 卷一

三十四明設書

約圖刊本

開慶四明續志招寶山帶東北取烈港山一潮
可到傍近有七里嶼鐵杵山每有風潮海浪皆
衝激而上明嘉靖浙江通志鐵杵山西南童山
首尾大而腰細橫臥海中如杵然定海縣志搗
杵山離縣西約一百二十里按鐵杵山卽搗杵
山今舟人訛爲老鼠山又指其南茆山爲貓山
乾道四明圖經小茆山在縣西南海中二十里
茆山在縣南二百二十里

玉杵拋來月姊宮長生藥搗海洋東莫嘆五技偷名號

早聘銜蟬巨浪中

大箬山

乾道四明圖經大箬山在縣南二百五十里寶慶四明志大箬山在南又郡志至昌國縣乘西南風不待潮徑至舟山頭登岸風不順泊大小謝港口或大小茅山候潮同方行大德昌國州志大箬山在南一作大謝元盛熙明補隋傳過穿山渡至大謝再經嵩子渡至昌國州大德昌國州志有松子巖籌海圖編大謝山離後所城

昌國典詠

卷一

三四明叢書

約園刊本

二里南臨黃埼港北由大貓海洋至金塘鹿山最居險要乃先年起遺地方也內設黃埼西山等七墩撥軍瞭報又該中軍哨兵船往來巡邏一作大榭舟山志穿鼻港潮入松子渡舟過橫水風色不堪率泊此定海縣志大榭舊志皆作大箬以音近而訛榭耳過橫水洋六十里卽抵其地廣亘八十餘里茲山與鎮邑穿山所爲鄰一葦可渡明洪武二十年信國公湯和徙大小榭島民於穿山大榭山圖有橫峙嶺出洋爲水

交門外神馬山內神馬山壽門接昌國大樹山
宋元志或作箬然寶慶志又有大樹山小樹山
定海今鎮海縣東南一百二十里大樹在海晏鄉
小樹在太邱鄉其地與昌國相接兩縣並載互
異其名則大樹亦由來久矣山圖有宋家府基相
傳宋亡後趙氏宗族多避居於此

穿山一葦渡黃埼大箬人煙簇海涯橫峙嶺連松子渡
兔葵春滿宋家基

桃花山

昌國典詠卷一

三三四明叢書
約園刊本

乾道四明圖經桃花山在縣東南一百二十里
耆老相傳安期先生學道鍊丹於此嘗以醉墨
灑於山石上遂成桃花紋奇形異狀宛若天然
人多取之以爲珍玩故山號桃花而鄉名安期
實出於此寶慶四明志桃花山在東南世傳安
期生鍊丹之所嘗以醉墨灑石成桃花紋山因
以名昌國境圖有崑斗坊乾道四明圖經崑斗
山在縣東南三百五十里登部山在縣東南一
百五十里元吳萊甬東山水記南望桃花馬秦

諸山嵌空刻露屹立巨浸如世疊太湖靈壁不
著寸土尺樹天然可愛緒曾嘗疑大德昌國州
志謂桃花山在海之東北鄞縣徐孝廉時棟云
大德志鄉村條稱安期鄉占東南有村三桃花
村在東南又寺院條稱封崇寺在安期鄉之桃
花山舊名資福又名資國周廣順元年
建往宋大中祥符三年賜今額自相矛

盾後慶志昌國圖桃花馬秦兩山皆屬縣境東
甯延祐四明志亦云在東南則大德志之誤不
待辨矣全祖望賦安期生安期鄉始皇東遊鄞
縣三十有六

昌國典詠卷一

三四

四明叢書
約園刊本

日驅山塞海眞忽忽豈知此中大有避秦人醉
灑桃花滿石室祖龍勞攘吾弗聞到頭亦與朱
弓赤矢同滅沒何如道人墨痕長明瑟八千子
弟起江東翻然一出說重瞳匹夫之勇不足用
吾其歸逐冥飛鴻黃石赤松紛紛詭怪斯人殆
亦留侯輩一出處踪迹分誰識此中耿耿同
節概笑殺燕齊方士愚如瓜之棗思津逮定海縣志桃花山縣東南
一百二十里周圍八十里多產茶田頗肥美半

屬普陀僧開墾出吐鐵名桃花吐鐵俗名泥螺
墨痕乘醉灑桃花石上斑紋爛若霞浪說武林春色好
不曾來此泛仙楂

順母山

大德昌國州志順母山在海之東山側有石形如牛方外人謂石牛之口按寶慶四明志石牛山在東卽此定海縣志作順母塗田亦普陀僧產有大佛頭南出爲孝順洋旁有馬蟻山

塗蕩成園物產儲廬八生計自乘潮不知蟻鬪何人聽萬古洪波臥郭椒

馬秦山

乾道四明圖經馬秦山在縣東南四百里大德昌國州志安期鄉馬秦在東馬秦山在海之東

昌國典詠卷一

三玉四明叢書

納圖刊本

以下碧雲庵云云詳黃給其書后

蓮花峯與馬秦山碧雲庵對

峙三石層出如蓮花上有佛腳迹拄杖印馬迹痕山之四隅各有小浮圖地產草一種名長生

不死箴巖在馬秦後砂上有箭孔故名響巖在

馬秦巖石玲瓏每當陰晦則空洞有聲保慶寺

在馬秦山舊名保安晉天福元年建宋治平二

年賜今額輿有大馬秦小馬秦按定海縣志馬

秦山離縣東南約四十里

海面難以里計乾道圖經里數皆多與今

志不寶慶四明志有馬秦酒坊昌國縣境圖東

至石馬山與高麗大洋分界凡五潮

空巖陰洞響淙淙射石何年飲箭鋒十丈藕船移太華
儼然天外削三峯

黃公山

杜氏通典係姚郡本會稽之鄞縣東至海中黃
公山水行二百八十里乾道四明圖經黃公山
在縣東南四百里大德昌國州志黃公山在海
之南峯極峭峻絕頂有碣字漫滅不可句讀或

云晉時隱者黃公善神術制白虎斃於此山

按制

昌國縣志卷一

三六四明叢書

約圖刊本

黃公漢人非晉
隱者詳黃公祠下又云安期鄉扶桑村在南潭

石廣福寺在州南安期鄉舊名崇壽宋端拱二
年建熙寧元年易名壽聖紹興三十二年賜今
額定海縣志六橫山離縣南約六十里地廣田
曠屬安期鄉緒按古志無六橫今志無黃公
黃公之訛爲六橫猶岩峇之訛爲摘箬也乾道
四明圖經浮塗山舊名浮塗山在縣南四百里
礮石山在縣南四百里滕嶽山在縣南四百里
寶慶志在安期鄉之南有礮石山滕嶽山渤塗

山大德志渤塗嶽至正四明續志有渤塗鎮守

司昌國縣圖有大桑山簷嶼寶華山雙嶼山定

海縣志皆不載其名今六橫山周圍百里生聚

數千家分上下兩莊中隔一港有海間門多閘

版有礁潭卽潭石有葛藤嶼卽滕嶼山有石柱

頭卽礮石山又有平蛟田壘杜章壘雙塘壘

綱壘翁家嘴大浦小沙浦大壘中央壘大教場

鹽廠等名宋時有黃公酒坊

見昌國縣境圖

地通貿易

今六橫繁庶與岱山金塘相埒安期三村此爲

昌國典詠

卷一

毛四明叢書

約園刊本

最盛後之修志乘者當補繪山圖以今證古則

宋元諸山名不難考而知也上有營汎亦扼要

地

海間門開海販多礁潭石柱望嵯峨黃公酒熟扶桑曉

誰補圖經細索摩

塔嶺山

大德昌國州志塔嶺山在黃公山之南土人登

山嘗見老僧趺坐石上因疊石爲塔以拜之去

嶺數十步有石如婦人狀春月多杜鵑花定海

縣志塔山縣東五十里相傳土人登山見老僧
坐石上因疊石塔禮拜在蘆花壘緒曾按定海
縣志無黃公山考大德志黃公山在安期鄉東
南塔嶺又在黃公之南若蘆花壘則近東北矣
禪心泥絮問如何一路春風窳培坡紅到滿山開躑躅
散花天女試維摩

烏沙懸山

昌國縣境圖梅岑山之東有北沙山籌海圖編
嘉靖戊午春二月王一作直旣擒餘黨據岑港

昌國典詠

卷一

二十四明叢書

一約圖刊本

夷僧德揚稱貢而來賊脅爲聲援春汛已及計
有新倭無何有倭船泊普陀小道頭參將張四
維且戰且逐至烏沙門外洋走登烏沙懸山卽
朱家尖山也由碓齒響礁門與岑港合踪四月
官兵擊賊於馬壘沙垓大破之陰令夷僧持信
票攜其黨遂互相猜疑持刀自擊奔柯梅嶺復
遁出浦口追至俞山伏兵大起夾擊之率沈四
舟擒其魁汪印山陳禮而王直之黨盡定海縣
志朱家尖山離縣東一百里山尖最爲聳拔可

以瞭遠地頗豐腴今爲普陀僧人開墾白沙山
離縣東約八十里港門卽白沙港又烏沙門縣
東南白沙港之南緒會按烏沙懸以音近改爲
朱家尖其山周圍六十里白沙港卽北沙山亦
相附近其下卽烏沙門

烏沙門外竄倭奴失水蛟成虎負嵎戰骨灰飛塵劫換
儘供香饌飽伊蒲

補陀洛伽山

乾道四明圖經梅岑山在縣東二百七十里四

昌國典詠

卷一

五十四明叢書

約開刊本

面環海高麗日本新羅渤海諸國皆由此取道
守候風信謂之放洋山後有一小寺曰觀音按
釋典所載觀音住寶陀山在海岸孤絕處卽其
所也皇朝元豐三年改賜寶陀觀音寺山下有
善才巖獅子巖潮音洞皆觀音化現之所紹興
初給事黃龜年嘗詣瞻禮俄睹觀音全身出現
有贊具述其異寶慶四明志補陀洛伽山在東
海中佛書所謂海岸孤絕處也一名梅岑山或
謂梅福鍊丹於此山因以名詳梅仙處有善財巖潮

音洞洞乃觀音大士化現之地又引黃山谷云
海岸孤陀洛伽山譯者所謂小白華山予疑此
卽山礬不然何以觀音老人堅坐而不去也今
洛伽山無山礬乃有一種花如瑞香而色白香
之清冽似之皆其異者也史越王瑩記紹興戊
辰三月望鄱陽程休甫四月史浩蔡謫潮音洞
寂無所睹炷香供茶椀面浮花喃時也至洞下
有比丘指曰巖頂有寶可以下瞰攀緣而上瞻
顧之際瑞相忽現金色照耀眉目瞭然二人所
見不異浩更睹雙齒潔白如玉寶慶志又云天
暮有長身僧來訪云公是一好結果底文潞公
余天錫史越王祠記
云有結果寇萊公後二十年當與公相會於
越乾道戊子以故相鎮越有道人稱養素先生
延之入索紙大書云黑頭潞相重添萬甲之風
光碧眼胡僧曾共一宵之清話擲筆不見始悟
皆大士現身也籌海圖編嘉靖三十二年八月
都指揮劉恩至等迎擊直隸遁賊於普陀山洋
敗之先是賊首蕭顯屯直隸之崇明南沙修船

爲遁歸計都御史王公孖計其勢必流入浙境
預令都指揮劉恩至指揮張四維百戶鄧城等
分爲二哨一自觀海臨山趨乍浦遏賊來路一
自長塗沈家門設伏邀擊賊果南遁官兵與遇
於普陀洛伽山臨江海洋與戰皆勝之零賊敗
登普陀依險爲巢掘塹自衛參將俞大猷督官
兵進攻之二十二日夜自石牛港進張疑整眾
而不與交戰潛遣奇兵出西北巡檢嶽直入百
戶鄧城武舉火斌黎俊民陷陣先登賊遂敗走
茶山絕頂翼日鄧城由東北淺步沙進火斌由
鸚哥巖進黎俊民由中路進劉恩至等統大兵
居其後四面齊進俘馘無遺三十二年三月賊
據普陀山分踪流劫內地參將盧鏜邀擊於石
墩洋大破之先是賊入寇歸棲普陀爲息肩之
地官兵守之旣狹旬將搗其巢先一日遣諜覘
之傍無一舟至是四合鼓譟而前值他島賊自
彼來精悍異常遂合攻官兵背腹受敵輒
敗衄亡者什六因罷歸賊以先所得貨滿新舟

令其半先歸而留其梟悍者入涼由是海鹽龍
王塘仁浦長沙灣嘉興嘉善皆被其害而石墩
洋之捷僅斬馘三百餘級元黃鎮秋聲集補陀
島詩一片雲帆駕渺茫東臨絕島拂扶桑九天
波浪隨星客萬壑魚龍覲水王日觀遠開溟澥
動雲臺倒浸白花香候神海上應相見爲覓安
期卻老方定海縣志普陀山離縣東百二十里
周圍四十里緒曾按古梅岑補陀洛伽實一山
今以南峯爲梅岑又分旁近爲大小洛伽山余

昌國典詠

卷一

三四明琴書

約園刊本

於丙午六月遊此山於藏經中錄元人龜茲盛
熙明補陀洛迦傳凡七篇按唐釋元奘大唐西
域記南印度瀕海有秣刺耶山山東有布吐落
伽山頂有池池側有石天宮觀自在菩薩往來
遊舍據此則南印度之落伽山乃佛書所指至
普陀在舟山者因近似得名也

跌坐南天小白華萬絲衣珮織雲霞寇萊文潞知誰是
幻出金身玉雪牙

東麓山

乾道四明圖經東麓山在縣東北海中四面大洋上有虎豹龍蛇人跡罕至耆舊相傳古有仙者隱於此山有石棋盤四圍皆脩竹風至則竹枝掃盤絕無纖塵若人使之然寶慶四明志世傳徐福至此山又相傳以爲仙去元吳萊詩遙望杳無極宛與東麓鄰悲夫童男女去作魚鼈民紵嶼尙餘聚蓬山寧爾神古桌苔駐迹仙杵竹去塵短棹徒爲拂飛沙邈難親好攜支機石去躍織女津緒曾按乾道四明圖經大德昌國

昌國典詠

卷一

三四明叢書

約圖刊本

州志俱作東麓後漢書有夷洲亶洲傳言秦始皇遣方士徐福將童男女數千人入海求蓬萊神仙不得徐福畏誅不敢還遂止此洲世世相承有數萬人民時至會稽市申叔舟海東諸國紀日本孝靈天皇七十二壬午秦始皇遣徐福入海求仙福至紀伊州居焉崇神中死而爲神此山蓋徐福經過之地非卽亶夷洲也余登盤陀石望之在東洋中紅日湧其下光映林木僧云半潮可到此山外則東大洋無山矣直至

日本元混一方輿勝覽蓬萊山在昌國州徐福求仙之所舟山志徐市求長生藥託趾於昌國之東霍山因列徐市於流寓未免附會史記秦皇帝使徐市入海集仙傳市字君房市古弗字音與福同市市字畫有別金樓子云始皇聞鬼谷先生言因遣徐福入海求金茶玉蔬並一寸椹是徐市卽徐福也張澍姓氏辨證云定海縣志東北諸山無東霍以海上其見之名山而遺之何也太平廣記徐福字君房不知何許人也

昌國典詠

卷一

三四四明叢書

約園刊本

秦始皇時大宛中多枉死者橫道數有鳥銜草覆死人面皆登時活有司奏聞始皇始皇使者齎此草以問北郭鬼谷先生云是東海中祖洲上不死之草生瓊田中一名養神芝其葉似菰生不叢一株可活千人始皇於是謂可索得因遣福及童男童女各三千乘樓船入海尋祖洲不反後不知所之逮沈義得道黃老遺福爲使者乘白虎車迎義而去由是後人知福得道矣吳志黃龍二年遣將軍衛溫諸葛直將甲士萬

人浮海求夷洲及亶洲亶洲在海中長老傳言
秦始皇遣方士徐福將童男童女數千人入海
求蓬萊神仙及仙藥止此洲不還世相承有數
萬家其士人民時有至會稽貨布會稽東縣人
海行亦有遺風流移至亶洲者所在絕遠卒不
可得至但得亶洲數千人還史記秦本紀齊人
徐市等上書言海中有三神山名曰蓬萊方丈
瀛洲仙人居住請得齋戒與童男女求之於是
遣徐市發童女數千人入海求神仙

昌國典

卷一

三五四明叢書

約園刊本

鄞縣東巡望亶玉蔬金菜返無期風搖翠竹低如拂
劉項而還幾劫棋

梁鴻山

舟山志梁鴻字伯鸞避亂於東霍內之第三山
與馬墓山並峙舊說伯鸞嘗攜妻子於此定海
縣志梁鴻山離縣東約六十里山頗雋秀觸處
皆可賞玩舊志云晉魏以來多名賢墨蹟年久
率不可讀相傳梁鴻曾攜妻子避地於此墓碣
尙委於東壘之側石坪丹竈尙拚於山窪壁溜

開俗作梁橫非緒曾案宋元古志無此山後漢書梁鴻傳至吳依大家皋伯通求葬地於吳要離冢傍葬畢妻子歸扶風庾子山文梁鴻埋於會稽李太白詩梁鴻人會稽攷班書地理志會稽郡秦置高帝十二年更名吳郡領縣二十六吳居首司馬彪郡國志會稽郡本治吳順帝分會稽置吳郡乃移會稽於山陰庾文李詩所云會稽仍指吳也鴻適吳將行作詩雖有求魯陽兮海隅之語然貞無入海事至葬要離冢側古

昌國典詠

卷一

三六

四明叢書

約園刊本

無異說東輿墓碣殆出附會全祖望句餘土音賦梁鴻山云梁生賦罷五噫作遠遊來朝爰及孟姬來翁州此閉山水殊不惡胡爲別向姑蘇卜一邱要離乃是吳妄人擬之烈士非其流幽宮有知應不怨魂魄定當過此地相留畱更聞巖閒多墨蹟晉魏題名輝貞石天風海濤千年餘漸與桑田同剝蝕癡人不解懷古心妄參大士聽潮音頂禮膜拜不可禁高賢遺址委荒林笑我鈍根別有契梁山山上獨長吟亦工於措

辭矣

吳會曾依皋伯通何年爪雪海波東五噫歌杳摩厓滅
誰向寥天問斷鴻

馬墓山

大德昌國州志金塘鄉畧有馬墓籌海圖編嘉
靖三十五年八月官兵敗賊於夏蓋山三江海
洋旣而又戰於金塘馬墓之間復大敗之俘斬
二百三十餘人副使許東望擊賊於馬墓福山
洋敗之賊酋二曬表及從賊七十餘皆就擒定

昌國典詠卷一

三七四明叢書
約園刊本

海縣志馬目山離縣西北約六十里周圍二十
餘里泉甘土肥一名馬墓山巨公多隱居於此
上有天妃宮北爲馬目港

馬目山高水土肥白雲逋客幾時歸
巖桐帽無名姓
王謝堂前海燕飛

清金陵朱緒曾述之撰

蘭山

乾道四明圖經蘭山在縣東北三百里寶慶四
明志蘭山之蘭綠葉紫莖昌國縣境圖蘭山有
屬壘坊保安院漢乾祐二年建明王禕忠文公
集趙君觀光字觀國慶元之鄞人其先仕宋曾
大父逢龍宗正卿兼侍講大父建知徽州婺源
縣父侶翁始晦德不仕君幼多智識稍長好讀

昌國典詠卷二

一四明叢書

約圖刊本

書通達時務以郡博士弟子員得推擇試吏奉
化州尋遷昌國至正十年冬黃巖海寇荐起而
昌國爲州在大海中距黃巖一息可至也其州
侯帖木而不花問計於君君謂今州兵寡弱且
不諳水戰惟蘭秀二山居民悍勇善鬪擊習海
事若募以厚賞示以重賞其人必樂爲我用用
以擒賊無難矣侯然君言卽以其事委君君招
諭有方不擾而事集明年正月從侯引兵出海
閩帥總軍民兵同會海門洋俄而賊船百餘艘

卒至眾皆惴縮莫敢進獨君所部民兵與奮戰
至晚無大勝負明日君方分給軍饋巡隄上賊
船又大至卽說侯速進敵而賊眾數倍我軍莫
支君持短兵接戰矢石交下軍與賊不可辨且
後無援兵遂執節以死侯亦遇害是月二十五
日也方君募民兵時或見其不憚勞勩私謂君
曰侯受天子命守茲土盡忠報國固宜君不過
一小吏設有功功且不顯儻有不測甯不重貽
父母憂君曰人臣食祿死其難所也吾雖小吏

昌國興詠

卷一

二四明叢書
約園刊本

亦旣食其祿矣臨難以避可乎於是卒戮力捐
軀以及於難得年三十有五

舟山志

同緒曾案此是

元時州判趙觀光事黃巖賊乃方國珍也定海

縣志山川條詛爲元縣令趙大忠考趙大忠三

衢人清獻公休之裔孫嘉定十五年任昌國令

立濟民倉修葺學校平谿嶺治海埠覈戶籍凡

有裨於民社罔弗殫圖獨無用蘭秀民以禦寇

事且大忠乃宋縣令非元縣令也定海縣志山

川條旣以用蘭秀民禦寇爲趙大忠名宦條又

以爲觀光自相矛盾考袁燮重修昌國縣學記
今承議郎趙侯清獻公之裔孫也侯名大忠三
衢人擢進士科居官所至可紀無忝厥祖定海
縣志又訛袁燮爲楊簡今慈湖遺書無此文也

是又誤中之誤耳全祖望弔趙參軍詩話趙觀

光侍郎逢龍之孫鄞人而死節於定

宗鄞好孫
枝喪職恥

下吏元政既不綱助防申正義下吏一何
微正義一何厲應憐填海鳥哀吟薤露意

又案

蘭山有三寶慶四明志西蘭山在南蘭山在東
南蘭山在東北大德昌國州志西蘭山在南蘭

昌國典詠

卷二

三四明叢書

約園刊本

山在東東蘭山在東北定海縣志蘭山有二一

離縣西約九十里近金塘山一離縣東北約五

十里近馬壘定海縣志合蘭秀山爲一圖秀山

包其外蘭山綴其中旁有東劍山西劍山險削

如劍此在東北之蘭山也又保安院寶慶四明

志慈惠東北海中大德昌國州志亦云去州東北

復云金塘鄉之蘭山金塘鄉占西南非東北以

昌國縣境圖證之則大德志之言保安在金塘

誤矣

海光搖動劍摩天峭壁叢蘭葉倒懸
指點凌波軍募處
雲旗風颯尙翩翩

秀山

蘇文忠公送馮判官之昌國詩蘭山搖動秀山

舞小白桃花半吞吐

東坡詩斬蛟將軍飛上天
十年海水生紅煙驚濤怒

浪盡壁立樓櫓萬艘屯戰船

蘭山搖動秀山舞
小白桃花半吞吐鴟夷不裏壯士尸白日獵狐

雄帥府長鯨東來驅海鱗

天吳九首龜六眸鋸
牙鏖齒爛如雪屠殺小民如有仇春雷一震海

帖伏龍變海魚交海族

魚鹽生計稍得蘇職貢
重修滬島服判官家世忠孝門獨松節士之奇

孫經綸手段飽周孔豈與弓馬同等倫

書窮經
史夜兵律鱗角鳳毛多異質直將仁義化咎榜

昌國典詠卷一

四四明叢書

約園刊本

恥與姦賊競刀筆吾聞判官昔佐元戎幕三軍

進退出籌度便移節略事刑名坐使剽逆歸禮

繁感風池麒麟閣酬德報功殊不薄寶慶四明

志秀山砂岸租錢二百貫文官會舟山志薛戎

端平二年爲浙東制置使履明州議昌國之蓬

萊災期富都三鄉之在左右者置尉以鬪訟盜

賊稅課之事任民庶帖然先是蓬萊鄉之蘭秀

山人甚驚悍由是咸領其政教境賴以安案舟

山志之言殊誤舊唐書薛戎字元夫河中寶鼎
人閭濟美爲福建觀察使奏充副使又隨濟美

移鎮浙東改侍御史累改湖衢常三州刺史遷
浙東觀察使所蒞皆以政績聞居數歲以疾辭
官長慶元年十月卒新唐書亦有傳當唐憲宗
時非宋理宗端平時人唐職官有觀察處置等
使宋紹興三年明州始置沿海制置使寶慶四
明志亦云長慶元年刺史韓察白觀察使薛戎
是戎非端平二年制置使也寶慶志又云大曆
六年省翁山海壩舊置望海鎮元和十四年從
薛戎言不隸明州

望海鎮在
今鎮海

無置翁山尉事寶

昌國典詠

卷一

五

四明叢書

約園刊本

慶志又云端拱二年翁山置爲鹽場有巡檢司
同監熙寧六年用部使者言蓬萊安期富都三
鄉與縣隔海

縣指
鄞

乃詔置尉以主鬪訟盜賊之

事是置尉亦非端平二年定海縣志薛戎穆宗
長慶時爲浙東制置使議置尉以薛戎爲唐時
人不誤而云浙東制置使議置尉仍誤也籌海
圖編國初秀岱蘭劍金塘五山爭利內相仇殺
外連倭寇歲爲邊患信國公經略海上起遣其
民盡入內地

王土性廣志釋云信國徙民約午
前遷者爲民午後遷者爲軍唐順

之云江南控扼在崇明浙東控扼在舟山天設此險以障蔽江浙門戶諸哨船皆自此分而南北總會於洋山信國廢昌國而內徙之誠千慮之一失也陶恭別錄洪武中

蘭秀二山姦民葉希戴王子賢互相讎殺既而合力以拒官軍糾船二百艘入大浹江直抵郡城鎮守明州衛王恭率兵擒賊魁餘俱潰信國公湯和因二山之亂定議徙昌國民改置衛所後又徙昌國衛於象山四方孝孺象山王府君行狀府君諱某字剛甫至正中攝東巡檢洪武初昌國民作亂襲象山虜令丞王茫入於海府

昌國典詠

卷二

六十四明叢書

一約園刊本

君與其友蔣公謀曰狂豎虜上官據縣境其誅死固宜然事聞於上大兵必來邑民將盡齎粉吾曹可坐視而不救耶今能先倍殺爲亂者以獻則邑人可無害矣府君遂募民爲兵掩擊之殺其魁二十餘人釋其眾喻之若曹良民第脅於賊爾能投兵復爲民則可保首領否則自取誅滅無悔眾皆叩頭散去曰君生我時大兵聞有亂者將盡殲邑人及府君以事聞邑人爭泣曰微君此邑數萬人皆爲鬼矣狀上京師賜白

金明一統志昌國故城設中中千戶所中左千
戶所定海縣志秀山離縣東約九十里蘭秀山
圖有北浦南浦大小紺三招嶺柳灣石井歡喜
舉龜其地宋元屬蓬萊鄉今屬富都鄉附馬塞
曾揮快劍斫蛟鼉雁戶今成比戶多北浦水流南浦去
柳灣深處聽秧歌

佛嶼山

大德昌國州志佛嶼山在秀山上有一峯表表
特立望之儼如丈六金身相旁睨如背負一小

昌國典詠

卷一

七

四明叢書

約園刊本

佛狀甚怪案定海縣志山川條無佛嶼山蘭秀
山圖有之

金仙海外許招攜頂立雲霄丈六齊側聽潮聲旁睨影
鳩摩羅什背兒蜺

岱山

乾道四明圖經西岱山在縣西北二百四十里
東岱山在縣北二百五十里寶慶四明志蓬萊
鄉在縣東北海中有岱岸里岱山村岱山鎮岱
山酒坊岱山鹽場高亭南亭鹽場岱山寨土軍

岱山巡檢兼鹽監籌海圖編岱山巡司與千礮
寨相連居民自築垣防守賊嘗登犯該司居隆
教寺內亦爲虛應須併力捍禦則可又籌海圖
編嘉靖四十年四月十九日倭船一艘望小展
至馬嶼沙垵胡公所督兵及守備廬相等兵擊
殺舟賊遂奔岸時帶管海道副使王春澤調守
舟山把總章延廩率陸兵卽伏爲應水兵從下
急追伏者起夾擊之賊大敗溺死者無算斬首
三十五我兵死者三人越二日泖港中大草撇

昌國典詠

卷一

八四明叢書

納園刊本

船一艘來公所督部把總周栗統林仕貴及廬
相等船與賊三十餘戰用發煩佛郎機諸火且
斃之溺死者無算斬首五十而兩頭洞賊一艘
把總童華斃之斬首若干陳思盼屯長塗爲汪
直所滅大德昌國州志岱山在海之北傳所謂
岱輿蓬萊或者名始於此又有涸洲堂度

詳普明寺

下定海縣志離縣北約一百二十里周圍四百

餘里案岱山圖說離縣約一百五六十里東西

十五里南北三十五里與周圍四百里之說相

懸舟人云山圍約百里高亭鹽筴所聚湖退曬
之成雪謂之曬鹽無勞煎竈也雍正八年設巡
檢司駐其地其內爲蠃鼈泮又長塗山其麓卽
東岳嘴附近岱山採捕多集於此長塗港在山
之西南迴環周廣與南道頭爲泊舟第一地雙
頭洞山亦附近岱山捕魚之所
封禪嬴秦未得來岱輿雲氣接蓬萊高亭堆雪陽烏曬
不費夷吾煮海才

錐砧山

昌國典詠

卷二

九四明叢書

約園刊本

大德昌國州志錐砧山屬岱山北海至險處以
山之形名之中有磁石案元吳萊甬東山水記
蛟門峽東又前則爲三山大洋句山多磁石舟
板釘鐵或近山則膠制不動昌國境也據此則
昌國有磁石者非止一山矣定海縣志無錐砧
山舟人云鐵板沙卽其地西北有燕窩山漁罟
所聚又有磨心嶺土人種蜈蚣以爲田供藥肆
之採用又有拷網山搖星浦多鯁郭璞江賦鯁
順時而往還

注魚頭中有石
卽石首魚也

箭魚

卽鱗腹下
細骨如箭

錐砢勢接燕窩叢水族加恩簿不窮鐵板沙中撈瓊蚌
磨心嶺下種蜈蚣

高嵒山

大德昌國州志高嵒山在州之岱山東南藏經
云東海有山名曰高嵒乃娑竭龍王所居之地

上有亭字遇旱鄉人禱之

寶慶四明志不載此山

一作高

整元吳萊詩幽芳岩峇搜修螿高嵒赴

詩云起行東海

洲重險忽已渡由來產神奇政爲孤絕故幽芳
岩峇搜修螿高嵒赴荒煙淒暗潮旭日照晴樹
似聞蓬萊山去此特跬步蟠根屹中立發鄂森
外護紫氛蒸作霞玄浪激爲霧古穴通若輿靈

昌國典詠卷二

十四明叢書
納園刊本

文讀不句赤玉馬者誰黃金闕何處常疑方土
說未省仙子遇芝草空漢庭鯨魚厭秦路彼猶
莫能得今我獨何據馮夷開水宮禦一作拷鼈
寇控風馭從渠指虛無此計空遲暮

定海縣志拷鼈山離縣東北一百六十里又拷

門在岱山案北爲五虎礁五爪湖東接黃大洋

目窮修螿赴高嵒旭日蒸紅策六鼈娑竭老龍鱗爪舞

怒尋五虎鬪雄豪

胸山

乾道四明圖經西胸山在縣北四百里耆耆相
傳爲仙人所居東胸山在縣東北七百里耆耆

相傳爲仙人所居寶慶四明志蓬萊鄉三村岱山村胸山村北界村大德昌國州志岱山村在東北脚山村在西北北界村在北定海縣志衢山北外離縣三百里寬廣百餘里宋元時稱爲沃壤自明初遷遣之後永行廢棄康熙二十八年請復三鄉蓬萊止復岱山其衢山以地處險遠未經議復康熙五十一年內務府員外郎戴保議召民開墾事亦寢其山由北至南五六十里由東至西十餘里最北爲前竹爲倒斗壘

昌國典詠

卷二

十一四明叢書

約圖刊本

西北爲沙塘壘西南爲礁潭壘又南龍潭壘爲鼠狼湖爲衢頭稍南爲大沙又南爲小沙又旁分爲小衢山東衢山下爲衢港洋一名半洋一名漢洋閩人春汎呼温黃爲南洋衢東爲漢洋四五片別江南浙江福建漁船鱗次挨集不下萬隻葦十餘萬搭寮蓋廠就山曬齋有瞭臺置倒斗壘汎寒寶慶大德二志俱云東胸山在東北西胸山在北卽東衢小衢大德志有礁壘卽礁潭又有鱸門筍嶼菱湖苔泮等名今不能盡

得其處此山當補繪一圖詳籌開復之計俾成
熟壤據昌國縣境圖胸山有防海酒坊其北界
圖在胸東深水黃砂莆壘之北乾道四明圖經
深水山在縣東北九百五十里莆壘山在縣東
九百五十里

胸東倒斗勢紆盤北界村聯望渺漫五月棟花風信過
漢洋網罟蟻

三姑山

乾道四明圖經三姑山在縣西北八百里寶慶

昌國縣志

卷一

三

四明叢書

約園刊本

四明志三姑山在西北

大德昌國州志同

又云三姑都

巡檢治下指使兩員一治洌港一治岑江三姑

山係北洋衝要之地凡海舟自山東放洋而南

欲觀浙之東西必自此分道紹興閒置都巡檢

寨於岑江洌港置兩指揮使寨以爲犄角其

後三姑寨移駐洌港殊失初意嘉定七年提刑

程覃擲守請於朝以三寨土軍聽定海水軍統

制節制每歲撥二百五十人同水軍五十人合

三百人出守三姑防守北洋要衝自是控扼始

嚴開慶四明續志沿海九寨巡檢岱山三姑岑
江螺頭四寨屬昌國又云五嶼山至宜山一鋪
一潮可到宜山至三姑山一鋪兩潮可到大德
昌國州志蓬萊鄉壘有三姑海防類考海山諸
山分三界灘澗洋山三姑霍山徐公黃澤大小
衢爲中界賊若犯中界則沈家門馬墓兵船北
截長塗三姑與浙西兵船相爲犄角謝泰交沿
海圖說賊過漁山兩頭洞三姑山入鯉浦可犯
紹興案宜山籌海圖編作魚山今名魚山西有

昌國典詠

卷二

三十四明叢書

約園刊本

七姊妹山

宜山北去望模糊鯉浦波連蟹浦俱東海夫人多眷屬

招邀七姊問三姑

寶慶四明志淡菜形似珠母有東海夫人之號

石門山

大德昌國州志石門山在州東通陸迴絕處名
極樂嶼下瞰滄海渺無涯際旁有兩山對峙如
門出此入彼則有兩都之俯俯農老人陳明可
過此有詩題其石云兩山對立石爲門疑隔桃
源舊日村擡手欲敲終不啓煙封霧鎖過黃昏

定海縣志外洋懸海北有石子又名石子門兩山相對如門故名案海北與州東之說不合

雙扉對峙豁雙峯我欲題詩傲惰農自有桃源尋極樂何愁霧鎖更煙封

石弄山

乾道四明圖經石弄山在東北九百五十里山石玲瓏東西相懸人可出入寶慶四明志石弄山在東北山石玲瓏故名又云昌國縣石弄山砂岸皇子魏憲王奏請撥賜開慶續志吳潛賧

昌國典詠

卷一

十四四明叢書

約圖刊本

海道事宜自定海水軍招寶山至洌港山自洌港山至五嶼山自五嶼山至宜山自宜山至三姑山自三姑山至下千山自下千山至徐公山自徐公山至雞鳴山自雞鳴山至北沙山自北沙山至絡華山自絡華山至石術山自石術山至壁下山此大海洋中之十二鋪也又絡華山至石術山一鋪絡華山東北取壁下山直西取石術山皆有人煙風水順便半潮可到風水稍逆便用一潮傍近別無以次山嶼若天氣清明

煙旗火號僅可相應或遇海氣溟濛霧露遮蔽
風雨晦暝皆難應號石衛山至壁下山一鋪自
石衛山東北以至西北別無山嶼皆是深洋大
海浩浩無垠又云若欲送死四明則外洋之外
自舊海放舟由新海界分東陬山之表望東行
使轉而南直達昌國之石衛關壘然後經岱山
岑江三姑以至定海此大洋也石衛山至壁下
山一鋪又寶祐六年十一月水軍申石衛山有
麗船一隻麗人六名飄流海岸大德昌國州志

昌國典詠

卷一

五十四明叢書

約園刊本

石衛山在海之東北有石玲瓏故名蓬萊鄉有
石衛壘案寶慶大德二志俱列於馬迹後是亦
外洋之山定海縣志石弄山一名十六門

詳十六門

山名相同非宋元志之東北海中石弄一名石
衛者也

木公金母鍊乾坤開闢猶留斧鑿痕笑殺米顛誇海嶽
一生袍笏拜兒孫

大洋山

乾道四明圖經大洋山在縣北九百里寶慶四

明志大洋山在北洋山在東北

大德志同

又云石首

魚三四月業海人每以潮汎競往採之曰洋山魚舟人連七郡出洋取之者多至百萬艘鹽之可經年謂之郎君鯊又春魚似石首而小每春三月業海人競往取之名曰投春不減洋山之勝又洋山廟唐大中四年黃洽記云海賈有見羽衛森列空中者自稱隋煬帝神遊此山碑立祠宇建炎四年車駕幸海道以煬帝不可加封特封二妃爲惠順夫人明德夫人見知衢州袁

昌國典詠

卷二

十六

四明叢書

約園刊本

甫記紹熙元年令王阮修縣志謂神遊之說不經然寇之欲掠也必卜焉弗吉卽散並海之民賴之故久而不廢或又云煬帝迹不至此陳棧伐流求國廟於胸山岱山或因其臣祀其君如長沙祀定王而并祀高文二帝也影元鈔黃潛文獻公初藁洋山夜發肅肅洋山暮倉忙拜水神吹噓端有力漂泊竟無津黑夜魚龍界皇天蟣蝨臣生還如偶遂敢憚歷微辛大德昌國州志洋山在蓬萊鄉之大海中因祀隋煬帝於此

凡草不生白石磷磷殿前有池產綠毛龜如錢
大若有神司之好事者不可得全祖望云羊山
上多羊見人馴狎殺之必致禍鄭成功人寇殺

羊食之舟多覆羊山以羊得名或祀羊府君僕

唐未明州刺史
吳越備史作揚

非也縣志環海圖說大羊山上

羊府君廟忌金鼓聲鄭成功泊山下金鼓喧闐
是夜颶風大作舟覆溺其愛妾幼子不云殺羊
事宋元志皆作洋山無作羊者舟人云山上無
羊全氏以羊得名之說未知何本也定海縣志

昌國典詠

卷一

七

四明叢書

約園刊本

山川條無洋山軍制條云羊山有二兩山相倚
中隔一港三四里許一名大羊山稍東南閩人
呼爲猴山卽江浙交界地一名小羊山稍近西
北武備志載之甚詳曾經兩省會勘立石以大
羊山北屬江南以大羊山南屬浙江兩省會哨
遊巡分限於此形勝條云哨道以羊山爲重抽
叭喇唬船分布哨探聖姑礁江南界
小羊山爲居中之
地割爲老營而以大船數隻泊之羊山則張家
嶼之北鍋灣嶼之東之營可備也案此則以羊

猴爲名立唐羊府君廟亦宋元所無環海圖說
又云將大風雨前一二日城郭樓臺變幻不測
古人所稱蛟宮蜃市者也此外馬蹟黃隆今名黃龍
花腦馬公雞鳴絡華神前今名北壁一名盡山
入海州界

江浙巡防此要衝海山累代著靈蹤綠毛龜換紅羊劫
城郭樓臺蜃氣重

鼓吹峯

寶慶四明志鼓吹峯在翁浦中其山之陰曰戰

昌國典詠卷二

十八四明叢書
約圖刊本

洋曰馬壘其對卽偃王祠也富都鄉有鼓吹里
大德昌國州志鼓吹山在州東三十里其嶺平
如掌可容數百人風雨晦冥之時隱隱有鼓吹
聲舟山志鼓吹山世傳徐偃王戰場元吳萊詩
蒼茫魚鹽場寂歷鼓吹里詳偃王祠定海縣志在縣
東四十里洞壘

雄爭海若控提封鼓吹喧闐震一峯雨雨風風排隊仗
波臣趨拜領魚龍

葛仙峯

大德昌國州志葛仙峯在州之金塘鄉一潮可
至葛仙翁陳禪師金信郎同憩於此山之巔
產桃一株花而不實舊有三仙堂遺地猶存仙
翁鍊丹井亢旱亦不枯舟山志在金塘山視諸
峯爲最高

花開峯頂賸仙堂抱樸禪師金信郎莫訝蟠桃無實結
三千年後有人嘗

達摩峯

明周應賓普陀山志達摩峯在西天門上一名

昌國典詠

卷二

九四明叢書

約園刊本

羅漢石元趙孟頫題曰瀛洲界石朱謹普陀山
志在靈鷲峯之右大石矗峙十餘丈銳首豐背
膚離中合遠望之如人荷物而立面西將行也
其北刻瀛洲界石元翰林承旨趙孟頫所書題
也西面刻曰羅漢石姓名漫滅不可識

務面分身讓誌公嵩山面壁十年功寄言蔥嶺西來使
隻履還拋向海東

玉峯

大德昌國州志玉峯在岱山鶴子嶺下岡巒秀

拔林樾蒼潤時有白霧蒙其巔人以爲福地宋
乾德四年徙超果寺於其麓見之樓參政記

誰能行霧似劉雄

魏略劉雄每出雲霧中識道不迷惑時人因謂能爲雲霧

直上瓊

樓叩碧穹多少洞天稱福地輸他羣玉比玲瓏

白華頂

明周應賓普陀山志菩薩頂在茶山上諸峯之
最高者朱謹普陀山志白華頂一名菩薩頂高
五里餘巔圓而平約廣二十餘畝地迴多風杳
無林木上有石亭供石佛明張忠烈公煌言登

昌國典詠

卷二

二十四明叢書

約園刊本

菩薩頂詩絕磴凌虛嵌佛龕捫天拄笏恣豪探
蒼茫遠水橫空碧歷亂羣峯倒蔚藍隻履俄從
銀漢落一卷幾爲石梁參如來肉髻應非幻最
上何須駕鶴驂余遊此山昇竹兜者憩十數次
方陟其巔將至頂有石大如屋明總兵侯繼國
題海天佛國四大字庵中有樓僧誇龕像曰此
像與龕乃一藤結成來自荷蘭國陳倫海國聞
見錄崑崙島七州洋之南昔崑崙蘭失臺灣邊
海境界未復因金廈二島平荷蘭登普陀毀銅

鐘萬曆閒官塑脫沙佛像刀刃不能傷駕火礮
壞之取裏所飾金銀財寶見像必剖以取藏寶
悉收而去至崑崙意欲居之龍與爲患藉火礮
與龍鬪相持有日後荷蘭狀若顛狂自相戲以
曲腕擊背心日益弊揚帆而去雍正丁未歲夏
噶喇巴海面立一中國人羣相掉舟往視惟浮
一銅鐘上鑿普陀白華庵知爲昔荷蘭掠沈者
回浙洋艘互相爭載公議求筊有黃彥者得筊
載回通港惟此舟小而舊做順帆不及月抵南
澳後轉運至普陀

昌國典詠

卷二

三

四明叢書

約圖刊本

海天佛國縱奇觀頂上圓光肉髻盤石佛無言天遠大
僧誇藤像自荷蘭

十二峯

大德昌國州志十二峯在胸山去州三潮有十
二尖若巫山然舟山志在東胸山峯列十二森
秀可觀

水經滄海難爲派雲起巫山不斷紋誰把巫山移海上
雲都化水水爲雲

書字巖

大德昌國州志書字巖在寺鐘山下桂竹嶼危巖懸覆若墜若浮羅隱嘗留題故名書字巖字迹彷彿可見又云寺鐘山在秀山山之頂有古佛殿基凡遇陰晦隱聞鐘聲故名舟山志寺鐘山在秀山之巔有古石佛殿址又書字巖一名桂竹嶼定海縣志訛爲梵慧寺之鐘山考梵慧寺在金塘並無所謂鐘山也

鐵券山河霸業空才名今古說江東英雄氣概神仙筆

昌國典詠

卷二

三

四明叢書

約圖刊本

吐出光芒萬丈虹

安期先生洞

緒曾嘗以安期洞古志各異問於鄞縣徐孝廉時棟徐答書云安期洞寶慶四明志大德昌國州志皆云在馬迹山定海縣志謂在馬秦案馬秦是也乾道四明圖經云安期先生洞在馬秦山去縣東南四百里耆老相傳安期生得道隱於此洞因以名鄉焉又曰馬秦山在縣東南四百里又曰桃花山在昌國縣東南耆老相傳安

期先生學道鍊丹於此鄉名安期實出於此而
其於馬迹山則曰在縣東北九百里而已自寶
慶志誤馬秦爲馬迹延祐成化諸志悉仍其謬
大德志旣誤安期洞之在東南者爲東北遂併
改東南之桃花山亦隸東北尤爲歧中之歧云
餘詳桃

花山 余棻徐君據乾道圖經安期洞在馬秦
可息眾喙矣元吳萊集有望馬秦桃花諸山問

安期生隱處詩亦無馬迹之說

吳詩云此去何
可極中心忽傷
悲亂山插滄海千層壯且奇信哉神仙宅而養
雲霞委雕鏤鬼斧缺刮濯龍湫移坎宮森立劍

昌國典詠卷一

三四明鏡書

約圖刊本

槎牙割雲旂微涵赤岸水暗產瓊田脂老生今
何在方士不我欺經過燕齊亂出沒楚漢危挾
山作畫鎮分海爲觀池殘花錦若爛淡墨珠巖
披東溪地涵蓄北極天翰維玉鳥投已遠桑田
變難期誓追凌波步行折拂日枝羽邱杳如夢
玄圃深更疑豈無抱璞子去我迺若遺空餘鍊
藥鼎尙有 樵人知 劉向列仙傳安期先生者瑯琊阜鄉

人也賣藥於東海邊時人皆言千歲翁秦始皇

東遊請見與語三日三夜賜金璧度數千萬出

於阜鄉亭皆置去留書以赤玉烏一雙爲報曰

後數年求我於蓬萊山始皇卽遣使者徐市盧

生等數百人入海未至蓬萊山輒逢風波而還

立祠阜鄉亭海邊十數處云漢書郊祀志李少君曰臣嘗遊海上見安期生安期生食臣棗大如瓜安期仙者適蓬萊中合則見人不合則隱皇甫謐高士傳安期生河上公弟子秦敗安期生與其友蒯通交往項羽欲封之卒不肯受蘇文忠公云安期世知其爲仙者然太史公曰蒯通善齊人安期生生嘗以策干項羽羽不能用羽欲封此兩人兩人終不肯受亡去予每讀此未嘗不廢書而歎嗟乎仙者非斯人而誰爲之

昌國典詠

卷一

西四明叢書

約園刊本

阜鄉赤玉烏空投衣錦彭城笑沐猴出世乘龍人不識
但誇棗大賺封侯

東坡安期生詩乃知經世士出世卽乘龍

法華洞

明周應賓普陀山志法華洞在寺東上有高峯
總兵李應詔題東南天柱朱謹普陀山志法華
洞在几寶嶺東天門下一路多奇石洞在重厓
廣壁中孔穴宛轉彼此可達狀如靈隱之飛來
但飛來石自玲瓏竅成石中而此則方圓鉅石
自相累架如人工結構者此其所以異也洞凡

數十處轉折登陟意欲造彼身倏歷此每兩石對峙下寬上偃藤蘿蔽覆陰森恐人或從高敞崩下石宛轉承接欲墮不墮仰之悸慄此外洞壑頗多無此層複幽奇矣鄧萬言詩云東西二三里上下百千嶂巨石削不成細石出磨錫穿處等戶牖坐來即呾帳稍有空闊地架樓供佛像余遊斯洞歎其形容猶未盡也

雕鏤萬象結星胎兜率天宮戶牖開靈隱寺峯纔一角西湖驚詫說飛來

昌國典詠

卷二

三五

四明叢書

約園刊本

潮音洞

寶慶四明志善財巖潮音洞洞前律峯嵌巉措足無地僧鑿石登橋嘉定七年親灑宸翰爲扁曰大士橋元盛熙明補陀傳潮音洞觀音示見之所去寺三里至洞皆黃沙石洞巉巖瞰海回顧無畔岸人迹不及洞上有穴如天窗下屬洞前舊有石橋橫互可以瞻巖今崩廢宋張邦基墨莊漫錄云予在四明時船扃日同官司戶王瓌粹昭郡檄往昌國縣寶陀山觀音洞禱雨

爲予言寶陀山去昌國兩湖山不甚高峻山下
居民百許家以魚鹽爲業亦有耕稼有一寺僧
五六十人佛殿上有頻伽鳥二枚營巢梁棟間
大如鴨頰毛羽紺翠其聲清越如擊玉每歲生
子必引去不知所之山有洞其深罔測莫得而
入洞中水聲如考數百面鼓聲語不相聞其上
復有洞穴日光所射可見數十步外菩薩每見
像於其中粹昭旣致州郡之命因密禱願有所
覩須臾見欄楯數尺皆碧玉也有刻鏤之紋爲
口路如世閒宮殿所造者已而復見紋如珊瑚
者亦數尺去人不遠極昭然也久之於深遠處
見菩薩像但見下身如腰而上卽晦矣白衣瓔
珞了了可數但不見其首寺僧云頃有見其面
者乃作紅赤色今於山上作塑像正作此色乃
當時所現者三韓外國諸山在杳冥閒海舶至
此必有所禱寺有鐘磬銅物皆雜林商賈所施
者多刻彼國之年號亦有外國人留題頗有文
彩者僧云禱於洞者所視之相多不同有見淨

瓶者瓔珞者善財者橋梁者亦有無所覩者洞
前大石下有白玉晶瑩謂之菩薩石粹昭平生
倔强至此頗信向云戴表元剡源集寶陀山所
見記明州昌國之東絕海有島曰寶陀山相傳
觀音佛之居邂逅大人長者以誠至其居地則
必爲見光明富美瑰怪不一之相於巖洞間值
其不肯見求之百端卒無有也至大元年正月
十六日今肅政廉訪司僉事阿里答公以渡海
賑饑至寶陀觀音凡再見初見彌勒終見本像

昌國典詠

卷二

毛四明叢書

約圖刊本

金輝玉質洵涌絢耀珠纓繡幌纏繞燦爛從行
者書史南陽李玉君璋括蒼季惠迪吉及僧官
李主騶倣氓庶緇素蒼儒同矚異盼駭眩驚怛
稱意滿欲歡喜而退惟佛氏之道非儒者所敢
知然其大歸主於慈悲救苦又時時出奇示幻
要皆使人除去妄想而不趨惡爲合於神道設
教之說而僉事公天性清穆於朝廷爲至親尊
屬其來明州先聲所臨山海震動詢災恤荒靡
憚艱險不貸魁傑按行之處抱馬足投牒訴冤

者日以百數人人得吐氣去非誠心救苦除惡
何能至是是以幽明感通神人欣諾如昌黎望
衡嶽而陰雲開東坡禱文登而海市出中庸曰
至誠之道見乎蓍龜動乎四體云云故至誠如
神寧非然耶寧非然耶元江浙分省郎中天台
劉仁本詩云金碧玲瓏塔影雙綺霞香霧溼疏
窗蛟人織貝爲華蓋龍女持珠獻寶幢震海雲
雷音縹緲彌山潮汐響春撞願求示見將軍相
一鼓羣魔盡攝降一輪寶月海波澄海上觀音

昌園典詠

卷二

天四明叢書
約園刊本

見大乘劍珮鬼神來剡剡煙霞樓觀起層層燒
香使者天台客說法高人日本僧安得此身生

羽翼還從彼岸快先登

此二詩羽庭集未載見補陀傳

邱茲盛

顯明時圖八秩葉芝同遊詩云縹緲從來未足

誇海峯孤絕更無加入門已到三摩地攜手同

游千步沙碧玉鏡開金蒲蒼珊瑚樹宿白蘋迺

殷勤童子能招隱其采芝英和紫霞驚起東華

塵土夢滄洲到處卽爲家山人自種三春樹天

使長乘八月槎梅福留丹赤似橘安期送棗大

如瓜金仙對面無言說春漏幽巖小白華元吳

萊詩茫茫瀛海閔海岸此孤絕飛泉亂垂纓險

峒森削鐵天香固遙聞梵相俄一瞥魚龍互圍

繞仙鬼驚變滅舟航來旅遊鐘磬聚禪悅笑撚

小白華秋潮落如雪明僧來復寶陀大士應現

詩序天人感通之道誠而已矣至誠所格隨禱而應此理之必然而無疑者况寶陀大士

以耳觀眼聞爲其修證度脫眾生不違本誓故其安住化境示現羣機無有方所夫豈專居於

神島之孤絕大洋之險曠哉特假物以彰其冥權爾故海者喻其慈悲之深廣山者表其智行之

之高從潮者顯其法音之普聞是蓋以非相之相無說之說冥示於人而闡靈垂化也奚滯境

昌國典詠卷二

二五 四明叢書 納園刊本

爲哉洪武二年春漕使曲阜孔公信夫權鹽於浙東之昌國豫章王君國英秦郵薛君國奇實佐其行政修德治亭民化之夏四月道經寶陀羅山作禮大士於潮音洞慈相涌光金色炳然珠纓寶珞之莊嚴天香霞氣之芬郁一眾仰觀莫不歎異咸以爲誠心所格然也旣而薛君國奇會子四明親道其事屬余序之昔孔子稱西方之人有聖者焉不言自信不化自行不治不亂蕩蕩乎民無能名焉此載諸傳記不可誣者今信夫爲先聖裔孫能於公政之暇汎渤登巖巖訪釋梵之區以觀吾西方清淨之化則其不忘聖訓有自來矣大士憫其誠而見相涌光則將以啓夫漕使之願緣而爲法之宏護也然則應見之祥豈偶然哉且余閱史魏公浩初攝昌國鹽監嘗謁大士睹金色身之異及記長身僧之言後果登位師相大施惠利於民今信夫遭際聖明致身通顯亦復瞻觀大士光相如此固知台輔之徵符於今日苟能以大士利生拯

物之心爲心則茂績怒政吾恐魏公不得專美於前也信夫勉乎哉王君薛君俱以才幹佐公是行抑豈無助贊之益歟余因薛君之請故得序其梗槩以慶大諸君希有之遇且以補寶陀故實云

朱謹普陀山志舊或投厓捨身立碑禁止
天窗下瞰極茫茫霞袂雲羅縹緲光何必捨身登彼岸
須知方寸有津梁

梵音洞

朱謹普陀山志梵音洞在正東境面大洋東去
土窮山盡亦不知彼岸何處矣此石名青鼓磊
至洞口峭壁危峻石色青黝高三四十丈陡劈

昌園典詠

卷二

三十四明叢書

約園刊本

兩厓如門洞深廣百餘丈海潮入洞激宕有聲
如龍虎嘯吼雷霆怒興凡謁洞者先至石須紆
迴隨磴而下二三百級然僅至臺而止去石根
齧潮處猶遠也西有洛伽洞腳插海底人不可
到結茅石上者架古木皮蒲團如鳥巢懸綴峯
宋元求示現多指潮音道後梵音方盛

梵音朝夕答潮音二諦參來止一心若把鳥巢平等看
天淵原不判高深

善財洞

大德昌國州志善財洞在潮音洞右亦神通顯見之地巖有罅峭峻而蹙狹其中窈不可測外有石壁土泉溜如滴珠久而不竭人謂之菩薩泉瞻禮之人必以瓶罌盛而去目疾者可洗宋史浩鄮峯真隱漫錄代補陀山瀾長老緣化起殿榜謹案當山係華嚴經所載善財童子來參觀世音菩薩問法之地童子始因抵羅菩薩指路次第方到海岸孤絕處得遇菩薩於當山有潮音洞縣歷千古瑞相示見變態不可勝記

而寶殿墮損欲議鼎新約費錢三千餘貫若以有力檀那可以取辦一家住持僧某所以親出緣化者正欲爲四眾道俗同結善緣不問多寡一文以上皆悉具足莊嚴功德又況世人同知頂禮菩薩瑞像同知稱念菩薩聖號同知勤事菩薩香火至於菩薩顯化之地殊特微妙如此則往往不知是猶終日食稻而不知田之所自出也今來舉此勝事伏望遠近道俗推原本始同發善心庶幾世世生生眞游菩薩境界與善

財童子所得功德等無有異者右伏聞山湧金
鼈可謂寂然不動浪環銀屋何妨到處隨流茲
爲大士香刹林不離眾生塵劫海語化身則無
乎不見究發迹則此乃其源儻令玉碣雲桶一
新輪奐嘗使珠纓內結愈顯光明凡於此地有
緣人卽是今辰樂施者願假慈悲之大筏同登
方便之普門元張光弼詩集至普陀洛伽山寺
作佛事七晝夜祈見海岸觀世音及善財巖七
日之閒隨心應見大眾瞻仰無不慶讚丞相函

昌國典詠

卷二

三

四明叢書

約園刊本

香致此誠願深海水救羣生慈悲謂可消諸惡
征伐容將息大兵金色圓光開寶書玉毫妙相
絡珠纓手中示見楊枝露願洗干戈作太平

當山指引路微茫石罅珍珠幾斛量天眼暗將人眼換
些須功德五明囊

紫霞洞

乾道四明圖經蓬萊山在縣東北四百五十里
四面大洋耆舊相傳秦始皇遣方士徐福入海
求神仙靈藥嘗至此案孫綽天台賦云登陸則

四明天台入海則方丈蓬萊豈其所乎元吳萊
甫東山水記土人云自東霍轉而北行盡昌國
北界有蓬萊山眾山四圍峙立旋繞小嶼屹如
千丈樓臺而中處又有紫霞洞與山爲鄰中畔
通明方加大車之輿潮水一退人可入或云人
不可到隱隱有神仙題墨漫不可辨又有山沙
細沙所積海日照之有芒手攬則霏屑下漸成
窪穴潮過又補終不少損旁有石龍蒼白角爪
鱗鬣具蜿蜒跨空亙三十里舟經其下西轉別

昌國典詠

卷一

三四明叢書

約園刊本

爲洋山中多大魚又北則爲胸山岱山石蘭山
漁鹽所聚又有聽客話蓬萊山紫霞洞詩小徑
連沮洳元肩闕蓬蒿

全詩詳道隆觀

又云似聞蓬萊山

去此特跬步蟠根屹中立發乳森外護紫氛蒸
作霞碧浪激爲霧古穴通若與靈文讀不句

全詩

已詳高

盤山案詩意則淵頴未能到也據所言當在

蓬萊岱山之北靈境恍惚若遠若近之閒矣

題墨蓬壺定不滑紫霞有路肯相拋石龍跨爾飛昇去
玉籙金符手欲鈔

盤陀石

元盛熙明補陀傳盤陀石平廣上坐百餘人下
瞰大海五更遠見扶桑五色光發頃有一輪極
大從海湧出眞奇觀也元吳萊甫東山水記盤
陀石山粗怪益高疊石如埤東望杳窅想像高
麗日本如在雲霧蒼莽中日初出大如米筵海
盡赤躍跳出天末六合爾然鮮明及日光照海
薄雲掩蔽空水弄影恍若鋪金僧伽絮衣或見
或滅吳有詩云長嘯山石上我今在東溟遊目

昌國典詠

卷一

三四四明叢書

約園刊本

出重微褰衣窮絕陘微氛抱珥赤遠影摩空青
想像暘谷水徘徊矚龍形晨昏相經絡稚毫不
能寧豈若柯斧爛看棋了干齡

此詩朱謹普
陀山志削去

更有盤陀石觀日賦

粵東遊於海微兮得偉觀
於陽阿登盤陀之疊石兮

路畏蠶而窺峩天雞號而夜半兮噉欲出於重
波恍玄幕之垂黑兮偕火輪之盪摩緬義和之
有御兮扶木煜其將華渺暘谷之不可以里兮
屈高春其幾何歎世寰之安在兮向昧冥而未
旦觀帝車之斜迤兮耿星宿於霄漢漸島嶼之
頽鮮兮益森茫而瀾漫恐闕齒之猶爾夢寐兮
類蠶蟲之悟亂明乾極之牽掣兮儼機軸之翕
張固陰泉之欽炯兮煥燿燿之奮揚淩波鳥之
燿煌燦爛兮渴咏解羽藐以送傷或有燭龍之
燬炳風昱兮熾額爛目願其方懸懸椿鏡之燦

灼炭煇兮斂人泉客翻濯有光振楨鼓之戲嫺
炫輝兮北若壁壘燉燉嶙嶙前行指彩虹之地戲珎
矯兮摧錯燠燠繆綢道皇想朱鳥之次舍軌度
兮豁達瀾轆絳絳開耀鏡乘寒澇湖水之俱倒推
盪兮散曉椒霞氣之鬱靄彩章乃飛騰於寥廓
兮竟睽眩於混茫繫高抗乎氛噎兮僅啓明之
獨燦燄遠麾之廣燿兮遠羣動之盡隄川后潛
精而屏藏兮海童獻姬以奔煇鼓鼉揚警發鬣
以悠漾兮鴻鶴刷毛挾翅而陵薄莽邯鄲之躋
臺兮河鯨山而畫其燧也閒羅浮之淵井兮混
蜃穴而夜其煇也迅夸娥之杖策兮懼追逐而
莫之跳連也怒魯陽之揮戈兮怪盤礴之弗吾
規襲也惟圭臬之可測兮奈隙駒之焉託恆鞫
明而究睡兮遂壯凋而老鑠昔聖賢之有法兮
實蓋渾之同天矧鍊石而凝質兮復斷壑而鎮
淵將渤澥之鑿窵兮淪谷底而迭燃抑崑崙之
嶠峙兮繞巖腹而互旋豈文身黑齒之俯邇所
出兮貫裸壤以相連或淹滋濛汜之遠壓所沒

昌國典詠卷二

三五四明叢書

約園刊本

兮罄沃國之窮塹歎嚴冰與颺雪兮曠古莽之
鮮覺常眠惕重蒸與疊赫兮熾炎邱之毒瘴霾
煙諒眾人之憤愜兮持蜂蟻之撲緣倖小兒之
孱知兮雖睿哲而弗宜彼凡俗之多故兮遇曙
朝而卽竟誠旦晝之枯亡兮嚮晦昏而暫定紛
上學之攘爭兮集農商而斷進淫末作以相資
兮侈利心之百竅儻桑榆之不復滅沒兮盡奪
時而力政願鬱儀之恆若溟泮兮庶保躬而固
命器曉籌而催闢兮警宵柝而告靜信舉筮而
豫知兮幸聞鐘而深省何觀瞻之不足兮重徙
倚以盤桓光已通於一躍兮影奚候於三竿速
層溟之畢露兮屹東霍之巖巒念列仙之獨往
兮扼羨門於波瀾畫孤嶼而陟降兮撤蒙部以
欣歡願奈越之選不相及兮又焉論夫遠近乎
長緒曾案此賦載淵穎集中極爲瑰麗張綸林
泉隨筆吳立夫觀日賦雄深卓絕明周應賓亦

載之獨朱謹普陀山志事略條云淵穎之賦狀類疥馳不忍概芟聊爲節錄僅十之二三可謂

妄矣故特錄之元沈夢麟盤陀石觀日盤陀石上接陸

峒俯瞰朝陽升太空萬頃紅濤浮上下半天金景貫西東古今人物重明裏南北山河一照中

如此登臨良不惡更憑高閣灑天風又元黃鎮成秋聲集送澗泉

上人遊補陀詩潮音海洞石盤陀送子東遊奈別何日上扶桑天不遠雲連浙

木地無多水王獻寶開丹穴星使通槎泛白波見說蓬萊清淺處便從鷗翼起秋河緒曾

又案古觀旭皆登盤陀石迨後萬曆五年內臣

明鳳結庵以鳳號朝陽因名朝陽見周應賓普陀山志云朝

昌國典詠 卷二

三 四明叢書 約園刊本

陽庵無朝陽洞於是朝陽擅觀旭之名改盤陀爲夕照

然普陀海岸高峯無處不可觀旭必以盤陀爲

最奇余見此石高身圓頂銳下如蓮房其跗以

石承之中空有罅如聯如墜藉梯始升石上有

明參將何汝賓題靈石二大字汝賓著有舟山

志邵輔忠爲之鑿定鎮海姚孝廉燮鄞盧氏抱

經樓俱藏有明刊本定海縣志云草稿未梓非

也

金衣萬縷燭龍翔紅浴咸池照八荒日觀峯頭瞻泰岱

何如身自到扶桑

無畏石

大德昌國州志梅岑山無畏石真歇庵之前突
如一石其形方而廣峻不可陟亦一奇也獅子
巖無畏石之側其形蟠踞如獅子然

道高百尺惹千魔幻境紛紛恐怖多但得此心鎮如石
世間何處有修羅

紫竹石

元盛輿明補陀傳釋所言東洋大海西紫竹旃

昌國典詠

卷一

三

四明叢書

約圖刊本

檀林者是也朱謹普陀山志山中石剖之俱白
質黑章作花竹草木狀濃淡工細如畫僧云經
稱紫竹旃檀林故石亦俱是相也或言惟潮音
洞南天門爲然又觀小山洞塔前沙俱如此則
他石可知但近寺不敢采斷故不識耳斷崖碎
壁滿眼皆小李倪迂妙繪豈非異事余至潮音
洞紫竹林絕少簣營僧攜小斧至毛跳山鑿石
曰此紫竹石也其紋粗者如畫家雨中樹細者
如松如杉不盡竹形乃知灑墨如桃花者不獨

安期生也

丹淵千畝飽通神來證三生石上因紫竹旃檀空色相
此君解脫畫中身

烏石塘

寶慶四明志烏石塘有三一在馬秦壘一在下
塘頭千步砂一在桃花壘昔皆大洋也百年之
閒或卷砂以爲隄或堆石以爲塘中成膏腴不
以人力然則滄海變桑田非虛語也大德昌國
州志烏石塘在馬秦延亙百餘丈高可二丈許

昌國典詠

卷二

三六四明叢書

約園刊本

枕海之濱表裏皆青圓石子如龍之鱗甲然下
注民田皆成沃壤天色暝冥則光怪閒錯父老
相傳謂舊無此塘一夕暴風雨挾而至又下塘
在州東蘆花村父老相傳天氣暝冥凡三日晝
然開霽自青山頭至橫山突起一塘一百餘丈
其中皆小黑白石子

塔飛僧化豈荒唐風雨俄驚湧石塘天敕烏龍飛不去
免教此地變滄桑

會稽記阿育捧塔飛行虛空入海諸
弟子攀引不及一時俱墮化爲烏石

鄰在

三摩地

大德昌國州志三摩地寺之兩偏登山者由此
有亭曰極清淨嘉木森香清泉紺洌亂山錯出
有聳而立者有居而伏者詭形怪狀不可摹寫
遊憩於此者往往不減靈鷲焉明翰林學士宋
濂清淨境亭銘補怛洛迦山者在東大洋海梵
語補怛洛迦華言小白華卽華嚴大經所說善
財南詢之處也山絕起海中周圍僅百里滿望
冥茫無際滄洲遠山隱隱天外如青螺髻寶陀
禪寺在山南去寺三里至潮音洞洞腳插海張
頤欲飲怒風驅濤進退擊衝洞巔通穴曰天窗
白光注底如月唐大中閒梵僧拜洞前燔十指
禱之指且盡大士爲見身說法授以七色寶石
自後人以誠感輒應或見紫金自在相縞衣被
體縹帶珠瓔紛然懸貫或見千首千臂護法大
神翼衛後先可怖可駭稍轉而右爲善財洞嵌
巖中圻窈黑不可測從洞折而北有乙類香爐
類佛牙奇甚惟盤陀石上最寬平可坐百人雜

初號遙見扶桑五色光發照東方盡白久之馮
出日輪赤如火流光燭海波閃爍不定誠奇觀
也自石折而西有獅子峯有象巖有佛三峯皆
以其形名有三摩地嘉木蕭森怪石巒列臥者
離立者蹲欲起者迎躍似舞者其他勝概難可
數計大抵山在海岸孤絕處重巒複嶂蒼翠如
洗紫蓀白葩濯濯滿地山丹樹高數丈絳花繞
枝鮮澤如珊瑚林金沙四布璀璨眩目海水震
盪無雲自雷登高四顧若置身琉璃瓶中一髮
塵土不得相侵誠霄壤閒勝特之境也洪武庚
戌春正月部使者贛州劉君承直與寶陀大師
行丕抱杖西東遊使者曰此清淨境也盍爲亭
大師乃建於寺之南嶺上從三十尺衡如之左
倚山右入潮音洞云大師字大某行丕其名鄞
人也宗說兼通行解相應初由佛隴昇主是山
銘曰大海東匯厥名維瀛并包川絡混合坤經
鯨波四繞龍島中停濯濯綠淨皦皦素紫片滓
弗留纖塵不驚如蓮出水類鑿含明流雲斂駁

新旭爭焚金沙布地寶樹森屏巨石佛足嵌洞
潮聲大士顯瑞梵童揚靈仙帶翻縹玄珠垂瓔
月相穆穆颯馭洽洽龍君持戟水伯捧旌衛茲
勝特控此高冥倬彼開士爰謀建亭莫平匪砥
有覺惟楹直邈寂廓將齊攫寧塵因道寂境逐
心清徜徉淨國周流覺城敢告來裔庸勒新銘
案此亭已廢

鯨波四繞島中停境絕纖塵列玉屏驚嶺龍宮真咫尺
請君休詠冷泉亭

昌國典詠卷三

清金陵朱緒曾述之撰

徐城

史記秦本紀造父以善御幸於周穆王得驥溫
驪騂騶耳之駟西巡狩樂而忘歸徐偃王作
亂造父爲繆王御長驅歸周以救亂正義曰括
地志徐城在越州鄞縣東南入海二百里夏侯
志云翁洲上有徐偃王城相傳云周穆王巡狩
諸侯其尊偃王穆王聞之令造父御乘驟裏之

昌國典詠 卷三

一 四明叢書
約圖刊本

馬日行千里自還討之或云命楚文王帥師伐

之偃王乃於此處立城以終

譙周古史考云徐偃王與楚文王同

時去周穆王遠矣王者行有周衛豈得救亂而獨長驅日行千里乎並言此事非實乾道

四明圖經昌國縣卽翁山縣是也山在縣東乃

徐偃王所居之地舊址猶存又云翁山一名翁

洲在縣東二十五里十道四蕃志徐偃王居處

城基猶存寶慶四明志地名翁浦俗呼城隍頭

王十朋會稽風俗賦翁洲訪偃王之廬周世則

注曰翁洲屬會稽郡國志云徐偃王昔居於翁

洲史鑄增注曰十道志翁洲在海中偃王所居
吳萊甬東山水古蹟記洋山自北而南則爲徐
偃王戰洋嘉泰會稽志翁洲在府學之東會稽
境郡國志云徐偃王居翁洲卽此緒曾案翁洲
在昌國海中會稽志云府學東非也輿地紀勝
徐偃王古城在黃巖縣南三十里大唐嶺東外
城周十里高僅存二尺厚四尺內城周五里有
洗馬池九曲池故宮基崇十四級城上有喬木
可數十圍別是一說韓非子五蠹曰徐偃王處

昌國輿詠

卷三

二四明叢書

約圖刊本

漢東地方五百里行仁義割地而朝者三十有
六國荆文王恐其害己也舉兵伐徐遂滅之淮
南子人閒訓王孫厲謂楚莊王曰王不伐徐必
反朝徐王曰偃王有道之君也好行仁義不可
伐王孫厲曰臣聞之大之與小強之與弱也猶
石之投卵虎之啗豚又何疑焉且夫爲文而不
能達其德爲武而不能任其力亂莫大焉楚王
曰善乃舉兵而伐徐遂滅之說苑指武曰王孫
厲謂楚文王曰徐偃王好行仁義之道漢東諸

侯三十二國盡服矣王若不伐楚必事徐王曰
若信有道不可伐也對曰大之伐小強之伐弱
猶大魚之吞小魚也猶虎之食豚也惡有其不
得理文王遂興師伐徐殘之據諸說則伐徐者
楚非周也竹書紀年穆王六年春徐子誕來朝
錫命爲伯穆王三十五年荆人入徐毛伯遷師
師敗荆人於泚三十七年伐楚荆人來貢馬驪
繹史云史稱造父御王巡狩見西王母徐偃王
反日馳千里馬攻破之豈王之貳車遂足以制

昌國典詠 卷三

三四明發書

約園刊本

勝耶抑六師之眾咸有此捷足哉史不錄於周
本紀亦不過雜采異說以傳疑

陳逢衡竹書集證云楚人抗拒

王師昭王喪六師於漢因以疾殂穆王與楚乃不共戴天之仇何得令其伐徐蓋楚假王命以伐之也三十五年荆人入徐毛伯遷師敗荆人於泚據此則可知此事之非實矣緒曾案淮南子說苑諸書則楚自息而伐之不必假王命楚之無王久矣鄒徐孝廉時棟著徐偃王志辨伐徐非延祐四明志隱學山在鄞東錢湖徐偃周甚晰

王隱學於此

漢書古今人表徐隱王顏師古曰卽偃王也

舟山志陣

壘山徐偃王列陣處磨刀橋城東二十里相傳
徐偃王駐兵之處定海縣志城隍頭山縣東三

十里一名城灣相傳徐偃王建城於此又金旗
山縣東二十七里相傳偃王建金旗於此故名
皆在吳樹壘

周王駮駢返瑤池赤矢朱弓不揀危何事磨刀來海上
魚麗布陣展金旗

甬東壘

壘字本作澳說文隈崖也通作澳爾雅隈隈厓內爲澳注今江東呼爲浦澳廣韻作

壘大德昌國州志作壘乃澳之別體俗作壘

史記吳世家集解賈逵曰甬東越東鄙甬江東
也左傳杜預註甬東越地會稽句章縣東海中

昌國典詠 卷三

四 四明叢書

續圖刊本

洲也元和郡縣圖志翁洲入海二百里卽春秋
所謂甬東地也越滅吳請吳王居甬東吳王曰
孤老矣不能事君乃縊其洲周環五百里有良
田湖水多麋鹿寶慶四明志國語以爲句甬東
註云句章海口外洲今鄞縣有甬東廂遂概呼
明州曰甬東非古所謂甬東也昌國縣有甬東
村乃古名大德昌國州志富都鄉甬東村在東
又德行里卽建治城郭之地富都鄉壘八十三
定海縣志併爲十七圖

內浴港壘舊屬金塘今屬富都 大德志

楊壘東江軍亭

今有君亭廟

今皆在甬東海防書倭

奴入寇過岱山長塗蘭秀山劍山登干礮大小

展則東北一面可入於舟山過烏沙門順母塗

登沈家門謝浦則東南一面可入於舟山過大

小侖山十六門壘山盤嶼登關山螺頭則西南

一面可入於舟山過東西墾長白礁馬墓港冊

子山登岑江碇齒則西北一面可入於舟山

一劍夫差恥甬東

左傳云緜吳越春秋云伏劍

那知天險峙蛟宮三

韓百粵舟鱗集好相檣烏四面風

昌國典詠 卷三

五四明叢書 約圖刊本

鹽倉壘

乾道四明圖經曉峯山在縣西二十里寶慶四

明志正監鹽場縣東南一百八十步唐曰富都

十監之一又有子場曰甬東又云東江鹽場縣

東八里又有子場曰曉峯在縣西十一里

宋時西監

監鹽二員一文一武東江監鹽武一員岱山監

鹽州袋武二員高南亭監鹽武一員蘆花監鹽

文一員初謂蘆花為東監正監為西監凡五場

皆西監統之其後四場相縉為正場各置監
案此鹽倉則曉峯場也大德昌國州志宋熙寧
六年析監為三曰正監曰東江曰蘆花又有三

子場曉峯則隸正監甬東則隸東江桃花則隸蘆花此與州連陸場分也距州南潮有岱山場距岱山十五里有高亭場以曉峯隸正監甬東

隸東江與寶慶志互異大德志又云曉峯橋宋

淳熙十五年西監鹽人鮑渭建又云曉峯門鹿

頭今鹿螺頭大茅小茅中莊今忠皆在鹽倉壘舟

山志曉峯山城西五里屹起峯巒高一里許長

岡山王家山金家山引而爲茅嶺山案其北爲

竹山門實往來津渡之所自曉峯嶺定海縣志

昌國典詠卷三

六十四明叢書

約園刊本

里至茅嶺有徑路可抵城下外有鹿頭臺南有

螺頭臺北有曉峯臺以控制要害

三臺鼎峙鎮雄關鹿頸螺頭接竹山茅嶺曉峯殿把隘

更防隘擲學狻攀

吳榭壘

寶慶四明志有翁浦酒坊翁浦詳翁山翁洲大

德昌國州志謝浦翁浦大青今皆在吳榭壘壽

海圖編王一作直自稱徽王嘉靖二十四年九

月引倭賊據謝浦爲巢十二月指揮閔溶戰死

於舟山三十五年三月官兵進擊舟山謝浦之賊勝之參將盧鑑知縣宋繼祖生員李良民武生婁楠等會兵進攻大破之賊移屯邵壘九月退巢於謝浦之吳家山十二月把總張四維率麻陽兵除夕破之平倭錄胡宗憲授計雪夜渡舟山出賊不意破之舟山志地之險者南則曹山謝浦梅家塾螺頭天童密邇所城關係匪輕而梅家塾直對曹山大洋倭奴曾經入據定海縣志榭浦山縣東二十五里吳家山縣東二十七里煙墩山縣東二十五里有榭浦臺案吳榭合吳家山謝浦爲名

徽王何物妄居尊燭引倭酋據島門爆竹聲中平謝浦
功高元夜奪崑崙

洞壘

大德昌國州志洞壘澤浦

今澤浦廟

今在此壘大德

志又云黃楊山在州東通陸之處極巉巖險峻

一峯傑出人目曰黃楊尖舟山志黃楊尖去城

東北五十里定海縣志有仙人凡山下溪壑繁

帶如洞天幽邃水合流於翁浦有張家墩石牆墩臺案洞壘與翁浦相接其陰爲戰洋

洞天幽邃水源長那識人閒有戰洋遊徧道家三十六來憑仙几到黃楊

蘆花壘

寶慶四明志有蘆花鹽監大德昌國州志大莆施家蘆花小蘆下塘頭皆在此壘籌海圖編嘉靖三十二年賊犯定海官兵擊敗之賊皆雞鳴山人沿海爲患十二月都司劉恩至破賊於蘆

昌國興詠

卷三

八

西明叢書

納園刊本

花港口定海縣志最高爲頂涼尖又有鳳尖山縣東五十里有三峯中鳳尖東翼西翼怪石崎嶇莫可名狀有塘曰鶴峙鶴峙有邵壘臺又岱浦山縣東西十里卽大莆也

雙翼東西擁鳳尖蘆花風起水天黏秋成鶴鶴塘邊好
歷擔黃雲月掛鉞

舵壘

昌國縣境圖沈家門大千山大德昌國州志鄭
壘沈家門壘王大麓今作王明張時徹防海書

沈家門水寨路口隘皆在此舉定海縣志沈家門在縣東九十里嘉靖中指揮劉恩伏兵於此以敗普陀之倭緒曾案等海圖編乃劉恩至非劉恩也相傳舟山以岑山爲齒舵壘爲尾故有**碇齒舵尾**之名有大干山臺沈家臺詳沈家門天風吹送大干臺水寨旌旗映日開振轉東洋舟有力雪山亂壓舵樓來

大展舉

大德昌國州志大翦螺門田公東茅今在大展

昌國典詠

卷三

九四明叢書

綉園刊本

舉大展卽大翦也一名大前舟山志地之險者東則塘頭螺門一帶地勢遼闊而塘頭極險逐利者常於此處鉤引盜艘定海縣志舉境南接蘆花結根於頂涼尖之地脈又橫互於黃楊尖之沙岡至摩鼻嶺與北埭分界東出爲王大洋直接螺門一帶雖有田土苦於地瘠人稀惟海塗採捕魚蛤之利居民賴以謀生鄭家山田公山在縣東北六十五里又赤石山在縣東北五十里有赤石臺與小展接壤案舉有大展小展

今小展併附北墀壘內而茅泮則附入大展

沙岡脈結頂涼尖西接茅泮繡壤添最好螺門勤採捕

桃蝗梅蠓助蟾鱗

舟人云桃花採蟬梅花採蠓鱗一名

頭廣韻
鱗比日

北墀壘

大德昌國州志小翦北墀姚家今皆在此壘籌

海圖編弔嶼與小展居民協守小展卽小翦也

定海縣志北

刊本
誤南

墀山縣東三十里小翦山白

巖山縣東四十里又云雪桃出北墀似桃而小

昌國典詠 卷三

十四明益書

約園刊本

大雪方熟其捍海有塘四千餘丈當王大洋之

衝南有赤石煙墩北有程家臺

風帆赤石望程家一樹冰桃罩雪花虹截春潮鹹不入

白巖小翦試犁耙

白泉壘

乾道四明圖經富都湖在縣東北八十里舊名

萬金湖周迴三十里溉田二百頃寶慶四明志

富都湖周廣三十里今皆爲田潴水之所狹甚

而泉湧其閒旱車輻輳未嘗少減大德昌國州

志作白泉湖有白泉柯梅小枝壘緒曾案元豐
九域志昌國有雲霄山卽雲嶼山西湖卽富都
湖壽海圖編嘉靖二十七年六月觀海衛百戶
與賊戰於柯梅死之舟山志舟山地之險者北
則柯梅白泉大壘釣嶼等地而柯梅亦曩時倭
夷蟠踞爲巢穴所當在在嚴防者也讀史方輿
紀要柯梅嶺在海中舟山所東出浦則爲漁山
外洋定海縣志又云白泉湖縣東北周三十里
有大小柯梅苦竹嶺石筍尖

昌國典詠 卷三

十二

四明藏書
約園刊本

汗萊曾闢萬金湖鳩杖斜陽說富都大小柯梅連苦竹
桔槔聲歇喚提壺

皋洩壘

寶慶四明志洩潭在東北三十六里潭據山腰

深淺不可測

以下劉必禱
雨詩詳洩潭

大德昌國州志洩潭

詳洩潭

東湖

定海縣志縣東北三十里河
溪頭之東案在白泉之東也祝家海

縣志竺家山縣東北十五里奇峯
陡立數十丈名竺家尖一作祝家又云高大山

潭龍潭父老相傳有白龍乘雲而下雙睛注地
遂成龍淵卷石勺水旱暵不竭有青蜥蜴常現

潭上遇旱則禱焉

定海縣志洵潭縣東北三十里高大山澤縣東三十里

今皆在此壘又有河硜頭管家洋董家橋唐梓廟分壁萬壁長岡龍堂諸山萬壽寺

東湖田接管家洋唐梓灣泥好插秧雷雨竺家尖上遇爭吹龍笛拜龍堂

干礮壘

寶慶四明志作竿纜渡有大蘆酒坊大德昌國

州志干礮大蘆

古屬富都灌門金塘

今皆在此壘舟

山志干礮城北三十五里山水頗奇土地殊沃

昌國典詠 卷三

十三四明叢書

約園刊本

梁璋干礮山人遇賣卜老人出書付之遂得其術嘉靖初旱取犁鐵紅鍛投水缸中雲合雨如注又能使人撒米成小蜂擲土爲大鳥定海縣

志灌門縣東北下有龍窟土人名爲干礮潭

詳灌

門木杓山縣北三十里有大蘆廟又有鳳皇山

有繫船灣爲內地之咽喉東北距灌門遇炎夏

驕陽海口聲轟數十里三日內必雨由唐家山

而北設煙燉西碛寨竿纜以繫舟得名或作

干礮今又作礮礮漸失其義

大蘆廟對鳳皇山竿纜人從渡口還雷吼驕陽三日雨
風波好避繫船灣

馬壘

寶慶四明志鼓吹峯其山之陰曰馬壘大德昌

國州志馬壘小舟大舟

定海志圖作大週嶺

李家三松江

今皆在此壘舟山志馬壘山平衍環帶原隰之
膏腴唐開元時議置立城於其閒緣北面土饒
不果籌海圖編袁家碛卽沙壘地原有馬壘千
戶所軍兵併逃民約計二千又云三江烽堠與

昌國典詠 卷三

十三 四明叢書

約圖刊本

沙壘相連有隘軍防守賊常登犯已取回須遷
居民人袁家碛等處則可又云嘉靖四十年四
月賊新至官兵遇之於海洋中追逐至馬壘沙
坡大敗之賊奔陸冠帶把總章延廩引兵設伏
又約水兵合擊之賊遂大破舟山志單奇洞在
馬壘中峯之椒相傳元季有單奇者修道於此
一二知者訪之操炬入洞不知所止定海志圖作善岐洞
定海縣志金柑出沙坡張家又云小舟山縣西
北四十里有小舟廟大舟山縣西北三十五里

馬壘山縣西北四十里沙垵山縣西北四十五里案定海縣志誤以章延廩爲華延廩東北界大洋與秀山近又爲岱山之渡口有煙燉山臺縣西北四十三里乾道四明圖經長塗山在東北二百八十里昌國縣境圖有敵父皆與蘭秀山近大舟小舟山吐嵐單奇洞裏擘金柑當年設伏章延廩指點煙墩父老談

小沙壘

寶慶四明志小砂酒坊大德昌國州志五百小

昌國典詠卷三

十四四明叢書

約圖刊本

砂郎家今皆在此壘又云吉祥寺去州三十里

富都鄉之錦沙九峯環列一名九峯山詳古寺籌

海圖編郎家碇與西碇寨相連小砂居民殷富

有隘軍共守但地勢散闊難以設備賊嘗登劫

以礮頭海塘築堡協守則可讀史方輿紀要沙

壘在岑港之東今爲袁家碇其相近者爲馬壘

嘉靖中嘗設千戶所戍守三十七年討岑港賊

分兵由馬壘碇礮而西是也其相連者有山江

等烽燧嘉靖四十年官軍敗賊於馬壘沙垵之

上卽袁家碛矣又有郎家碛亦在所西北東距
奇壘西距沙壘有西碛寨相連中爲小沙舟山
志九溪去城北十里許發源於頰河壘底烏楓
巖際析東西二流一由蜩殼橋金川橋會東峯
疊石二山之流停於王家碛外之新碛而注於
海一由虹橋歷壩橋抵鹽場而注於海定海縣
志九峯山縣西北三十里五伯壘山縣西北四
十里案九峯山下九溪旋折結成此壘北大塘
碛口直接長白山長白港碛頭設墩臺乾道四
魚龍出沒浪稽天

大沙壘

明圖經長白山在縣西北一百五十里

大德昌國州志黃馬溪在州西北五十里南埠
水從茶嶺浙江通志
誤作奈嶺發源流注於海民田賴以

灌溉

案南埠溪口
水入紫薇壘

籌海圖編奇壘烽堠卽大沙

地方賊常於此登舶原有隘已廢二壘

二壘當
作此壘

民居大戶約有千數合力出守方可恃也舟山

志黃馬溪城西北三十里南潭水從茶山嶺發源讀史方輿紀要奇壘在舟山所西北本名大

沙嘉靖中禦倭要地也定海縣志茶嶺山嶺誤刻頭

縣西北四十八里又有文壘山連珠山宋蔣猷

廟詳蔣學七廟有洪將軍賈尚書貝行省墓皆不知

其名有觀山墩西北六十里大坑山墩西北五十里鹿腳

跳臺西北四十五里歧壘門外出龜鼈洋

春雷茶嶺展槍旗奇隘猶談下瀨師黃馬溪流南潭去

古墳荒草認離離

昌國典詠卷三

六四明叢書

約園刊本

岑港壘

寶慶四明志指使兩員一治岑江又云岑江潭

在西小岑江上遇禱而應蜥蜴出焉大德昌國

州志岑江巡檢司在州之金三都又岑江港去

州西北三十里舊謂之六國港口南北舟舶輻

輳於此亦海州之一鎮云又毛家橋在岑江市

心籌海圖編嘉靖三十七年汪直就擒毛烈等

欲爲之報讎不肯還島而據岑港分鯨出掠官

兵屢攻之弗克舟山之捷云嘉靖戊午春二月

總督侍郎胡公宗憲既擒汪直其餘黨船舟山之岑港倚險列柵勢甚猖獗公命把總任飾指揮甘述宗等進泊江口之南都指揮李涇指揮張天杰等泊港口之北總兵俞大猷等以福船并叭喇鳥入漿串網船往來策應指揮周官土官彭志顯領大刺土兵由中路小河嶺入指揮楊伯喬唐榮土官張口領鎮溪麻寮兵由右路碇齒入參將戚繼光率部兵由左路小嶺入而指揮楊永昌盧錡鮑尙瑾方昇通判吳成器等分道策應參政王詢劉燾副使陳元珂則監督之約期水陸並進直抵賊巢時都指揮戴冲霄先用火攻殺傷頗多公許全捷俱準首功禁取級以防前進我兵蹂尸而戰賊大敗奔舟忽港側礮聲大震賊復擁眾登陸鈔後死戰我兵後哨稍卻前鋒四擊橫衝賊乃斂營固守公以夷僧德陽稱貢而來賊脅爲聲援可計而離也乃潛縱之令成器遣謀持信票數百入巢散其脅從由是賊勢日孤爲守益堅公又傲諸將曰賊

所以負固死鬪者蓋春汛已及計有新倭可爲
應援若哨擊稍疏必流突與合矣此非小利害
也其營舟師預爲哨探之計無何果有倭船泊
普陀小道頭參將張四維推官查光遠等督兵
且戰且逐至烏沙門外洋賊遂潰敗俘斬四十
餘級賊走登烏沙懸山卽朱家尖山也公策此
賊與岑港之賊相距不遠陸路必由碇齒水路
必由嚮響礁門乃檄諸將設伏以待已而賊果
由二處奔沈家門與岑港合蹤公不得已親蒞
定海分遣將領各與信地福船由岑港南口廣
船由北口宣撫田世爵都指揮何本源等兵由
馬巖至張礪一由寺嶺至三官堂進一由小嶺
至聚水塘進而以元珂四維往事監督又遣奇
兵由天童運搗賊船仍近巢半里許列一老營
以叢居中調度參政胡堯臣防守所城督發糧
餉剋期大舉時賊依山阻水列柵自衛火器頗
多我兵陷陣先登者閒多被害公復檄諸將從
逼壘而陣且示以哨伏應援之規更番迭戰以

耗其火藥折其銳氣又令夷僧輩招之私語賊
遂互相猜疑至持刀自擊我兵乘隙進攻賊眾
大亂夜分縱火焚其舟死者無數餘各奔巢我
兵躡之斬柵而入斬馘百餘級復奔柯梅嶺我
兵追之火其巢廠賊勢窘甚遁出浦口四維與
指揮朱尙禮等舟師追之俞山外洋見賊連艘
而行遽以兵船潛伏山下而以小艇嘗之賊果
逐利來追伏兵大起夾擊之犁沈四舟擒其渠
魁汪印山陳禮等斬首九十餘級溺死者不計
王直之黨至是盡矣是捷也五哨之布公有成
算而大猷等參錯不進沈家門合蹤公料敵如
神而諸將不先事追擊至塵定海之役非公淵
度圖機小挫不折能因敗爲勝且柰何哉嗚呼
公之心獨苦矣俞獻可撰又云岑港巡司乃衝
要海口也賊累登劫見今居民雖籌警自衛亦
被賊壞近又自葺理終難備禦須爲懷國之計
可遏賊衝又碇齒隘與外港相對居民勢孤
被登劫其原守軍餘又已取回必遷居入內地

則可舟山志地之險者西則岑江碇齒大沙小沙千礮馬廩一帶地形廣遠雖有馬募兵船然相去遙遠嘉靖時汪直輩曾自岑江登岸竊據蘆花港壘結巢又云岑江去城西北四十五里潮自桃搖西後二門會竹嶼溪頭之派而漫漲於西南之大洋謂之橫水定海縣志岑港山縣西三十里雙鴉山縣西二十五里有木城舊址又白龍洞在山巔上下兩潭大旱不竭相傳有白龍居焉土人察聽風聲以知龍之出入有禱

輒應案岑港古名岑江屬金塘鄉今爲富都十一圖明設碇齒隘於響礁門置木城以紀破倭功在天妃宮側大德志青巖漲史大壘小沙岑江今皆在此壘漲史今作漲齒定海爲東浙門戶岑港又爲定海要衝有烏邱嶺臺碇齒臺明徐渭與客登招寶山觀海遂有擊楫岑港一窺賊壘之興謹和開府胡公之韻奉呈滄海遙連雉堞明登臨喜其客談清千山見日天猶夜萬國浮空水自平不許番禺築別島願圖方略至

金城歸來正值傳飛捷露布催書倚馬纓

岑江碇齒鑿巉巖六國舟航尾並銜欲指木城談往事
白龍拖雨帶腥鹹

紫薇塵

大德昌國州志溪石綠仲南墀虞家今皆在此
慶宋中興聖政記建炎三年十有二月己丑上
幸定海縣御樓船晚朝二府登舟奏事參知政
事范宗尹曰敵騎雖百萬必不能追襲可以免
禍矣上曰惟斷乃成此事是也詔行在諸軍支

甬國集詠 卷三

三四明叢書
約圖刊本

雪寒錢自是遂爲故事金人陷臨安府癸巳上
至昌國縣是日范宗尹聞臨安陷復還見上於
舟中丁酉上謂輔臣曰昨者從官同詣都堂鄭
望之獨謂自古興王未有乘舟楫者所論未爲
通方王綯曰自崇寧以來大臣專權不容立異
比者會議都堂更相詰難各盡所見而無所顧
避臣不意數十年後復見此氣象皆陛下優容
忠讜所致望之自守所見乃朝廷之福也於是
望之奉祠而去庚子上發昌國縣宋李正民乘

桴錄建炎三年十二月十九日至昌國紫皮壘
籌海圖編天同壘居民百餘家氣勢頗壯但力
不支內有紫皮壘居民千數若協力出守彼此
可以無事內有鹿夫善射曾勝倭寇宜令悉力
防禦定海縣志紫薇尖山縣西北十五里一名
宋家山古名紫皮因宋高宗避金人航海至此
遂更名紫薇又紫薇圖說有紫薇街金線龍潭
圓峯寺十大聖廟徐司農墓應參政墓又有趙
王墳夏參軍祈墓案宋昌國進士大德志有趙

昌國典詠 卷三

三四明叢書

約圖刊本

時慥嘉定四年趙時恪嘉定七年趙崇侑趙崇侑二年趙

時悟紹定五年趙若誠景定二年舟山志云趙子誠趙時吉趙若

諫趙必硬趙必睽咸淳元年舟山志多趙汝璣

四年定海縣志多趙與楸人云淳祐四年文

天祥榜乃寶祐四年之訛又以必硬爲必硬必

睽爲必睽當以昌國志爲正是趙宋宗室多居昌國究不詳

趙王何名也夏姓子孫極繁康熙中夏時棟字隆

吉繪圖助展復邑令周聖化榜其闕曰翁洲遺
獻此壘有天童臺西山墩

康王曾駐紫皮雲浦水今猶兩派分玉牒趙墳無麥飯

紙錢羅拜夏參軍

頌河壘

寶慶四明志頌河古城去縣十八里世傳始於此築城建邑以土輕移就鎮鼇今城基尙存大德昌國州志大頌河小頌河卽此壘丹山志下頌河壘民藉漁獵爲生三窩峯在城北上頌河定海縣志頌河圖說在馬壘鹹倉之間一帶溪河橫貫於壘內故以頌河名有芝窩嶺長青嶺白鶴廟案字書無頌字土人讀如泚音集韻泚

昌國典詠

卷三

三

四明叢書

荆園刊本

楚嫁切音泚水歧流也焦竑俗書刊誤山歧曰岔水歧曰泚二音同金陵地名有岔口韓公曹成王碑行跳泚川是也據此頌字卽泚之別體

古城荒草夕陽多

盧文弨龍城札記字書無壘字子以爲此本作與而後人乃從加山耳謝

靈遊山居賦自註云二韭四明五輿皆相連接則今之所謂終非卽昔人之所謂與乎宋陸務觀家訓言其先人墓在九里袁家嶼作嶼字明上虞謝肅爲餘姚黃菊東莊墓銘云其葬在上虞建隆與作與字此與字加山或上或下或旁雖不同要卽一字緒留案宋鄭興裔忠肅公集請置灣長禦海寇疏云瀕海州縣各有墳塋灣置一長擇地方之習知武藝者而任之仍令結爲保伍旦夕訓練以追則迅以戰則克如其無事則盡力於農

不仰食於縣官一旦寇至灣長徑率其眾禦之不使登劫彼皆有父母妻子室家之繫繫之必力更貢其兩鄰互相策應如有能殺賊者州縣第其勞以賞之容隱坐視者罰無赦則國家無調遣之擾無供億之煩而海寇可以漸息紆陛下東顧之憂計無便於此據此字又作灣

嘉靖三十五年五月陳可願自松浦回以王直義子毛烈通事童華夏正朱尙禮邵岳等款定海關稱報效胡公喜曰吾事濟矣乃留毛烈於舟山而亟召童華等來見因厚撫之三十六年十一月賊首王直款定海關要互市總督胡公誘擒之王直擁倭稱降志在互市總督胡公檄

昌國典詠 卷三

三四四明叢書

約圖刊本

總兵盧鏜駐中中所把總劉朝恩陳光祖指揮夏正通判吳成器等偕行鏜以城外倭刃森列慮變不肯啓鑰朝恩曰若是益疑賊也不若以禮喻之以誠招之保無他慮鏜從之朝恩等馳至賊所直見皆單騎伏迎道左大忠反覆開諭直曰公等皆督府親信輕舟臨辱直小人也敢不惟命遂聽大忠計見鏜於城中誘至定海關而執之夏正以此不得還三十七年八月官兵進勦舟山賊巢平之

國初定海之外秀岱蘭劍金塘五山爭利內相
仇殺外連倭寇歲爲邊患信國公經略海上起
遺其民盡入內地不容得業乃清野之策也越
工侍近奏令民開種以給募租若與此利金塘
一山卽可墾田數萬畝歲入米幾萬石玉環諸
山計之每歲可得米幾十萬石大爲海防之助
但其患二故當道屢議屢止其一倭人藉以
爲糧結巢於此兵費反多其一是大家爭田秋
糧難徵無益於民以愚計之須仗量爲屯田召
民耕種輸賦軍門耕者搭棚廠而居不挈妻孥
不得賣買逐歲更始如大家放租之法則官民
兩利而爭奪之患免矣官差石工伐山造堡海
洋有警小民避入賊知堡中無子女玉帛自無
結巢之念矣

宋趙彥衛靈麓漫鈔補陀落伽山自明州定海
縣招寶山泛海東南行兩潮至昌國縣自昌
縣泛海到沈家門過鹿獅山亦兩潮至山下五
南一山曰甌月巖循山而東曰善財洞又東曰

菩薩泉又東曰潮音洞卽觀音示現之處又東曰仙人跡又東曰甘露潭東卽大海南逾海曰善財礁南亦大河自翫月峯之上過一山有平地四山包之卽補陀寺後正北曰獅子巖左曰真歇庵右曰佛跡石石獅子巖上曰妙應峯乃最高處東曰盤陀石又東曰白衣峯又東曰圓通嶺又東曰古寺基又東曰裏黨外黨又東曰桑木灣下曰木杪東卽大海白衣峯下曰無畏石又下曰象巖自妙應峯西曰石觀音下卽佛

云小白華山今此山皆白丁香花東南天水混
合無邊際自東卽入遼東渤海日本毛人高麗
扶桑諸國自南卽入漳泉福建路云觀音多現
於洞中或於巖上及峯變化不一甚著靈驗

壽鑑案以上三條原本肩批不言錄
在何處而謄寫者附之於此始仍之

昌國典詠卷三

昌國典詠卷三

三七
四明叢書
約園刊本

昌國典詠卷四

清金陵朱緒曾述之撰

橫水洋

宋祝穆方輿勝覽圖經云明之爲州乃海道輻輳之地故南則閩廣東界倭人國北控高麗商舶往來物候豐衍東出定海有虎蹲蛟門天設之險此亦東南之要會也

乾道四年陳文德往昌國

云已載舟楫具那得苦留君事憑風掃急帆飛雪浪分長途常策足暇日正論文功業他年事風波豈足云文饒自昌國以詩見奇次韻二首百川浪浪到來休此是人閒第一流蘇軾爲君

昌國典詠卷四

一四四 蘇軾書

潮鬣浪蕩蒼空自滿汀洲海邦渺渺知何處風入高帆頃刻過何似一樽湖上酒月明衣穩照寒波蘇文饒往昌國因風不可渡云欲衝高浪卻沈吟酒近瀛洲懶得掛莫道顛風無好意爲君吹過

遠歸心

元吳萊甬東山水記蛟門峽東浪激或

大如五石斗囊躍入空中卻墮下碎爲零雨或

遠如雪山冰岸挾風力作勢聲崩摧擁舟蕩蕩

與之上下一僧云此特其小小者耳秋風一作

海水又壯排空觸岸杳不辨舟楫獨帆檣上指

潮東上風西來水相鬪舟不能咫尺一撞礁石

且糜解不能支持

吳萊詩山月出天末水風生晚寒扁舟劃然往萬頃相渺

漫星河白搖撼島嶼青
雲夢吞蟠木繫余纜
扶桑纒我冠寸心役兩目
少試鯨魚竿又笑揮百川
流東赴無底壑青天
分極邊白浪屹爲郭
卉裳或時來摧髻亦不惡
役珠鉸人泣泮劍龍子愕
海宮眩豔覆商舶豐
貝錯盍不呼巨鵬因風
泝寒廓又我行十天下
始到東南隅水落礁石
出中飛雨鷓鴣情知壞
奇產勢與險阻居在夷
豈必陋雖聖猶乘桴元
風丹穴鳳尾雨青邱孤
幸隨任公子不愧七尺
軀

貢師泰海歌出得蛟

門纔是海虎蹲山下待平潮
敵帆轉戢齊着力

不見前船正遇焦緒曾案焦
今作礁音義同定

海縣志橫水洋縣西約半潮
可到潮長則北自

海州蘇州諸大洋而趨於南
出旗頭退則南自

昌國典詠 卷四

二四明叢書
初圖刊本

溫州台州諸大洋而趨於北
出西堠桃天海水

奔赴衝激震蕩極爲險害
舟欲東西而水則橫

於其中故曰橫水案由蛟門
至舟山必過虎蹲

茅洋金塘渡此洋歷黃由礁
半洋礁經蟹嶼盤

嶼丁家礁入螺頭門

長南退北兩邊潮礁石東西
互海腰大蟹擁螯螺旋甲

龍梭來往織鮫綃

大茅洋

乾道四明圖經小茆山在縣
西南海中二十里

茆山在縣南二百二十里大德昌國州志丁家
礁左大茆港籌海圖編大謝山南臨黃琦港北
由大貓海洋至金塘鹿山最居險要元黃鎮成
秋聲集舟過大茅洋詩漲海渾茫寄一桴候神
東去接方壺帆隨雪浪高還下島浸冰天有若
無雁影斜翻西日遠潮聲直上晚雲孤投緇擬
學任公子掣取封鱸餒萬夫

樵川詩客過茅洋東去方壺入混茫浪裏封鱸休跋扈
有人能挽釣竿長

昌國典詠 卷四

三四明叢書

約園刊本

碇頭洋

寶慶四明志建炎四年金人以舟師絕洋犯昌
國縣欲襲御舟至碇頭風雨大作和州防禦使
樞密院提領海舟張公裕引大舶擊散之虜乃
去上引舟而南與金人纔隔一日岳珂程史兀
木自度不習舟楫桅舞舷側窘懼欲脫遙望大
洋隱隱一山問此何所曰陽山即今洋山兀木巖然
曰昔唐斥境至於陰山吾得至此足矣遂下令
返棹葉紹翁四朝聞見錄憲聖吳后侍高宗勅

海金騎猝至欲拏御舟后發一矢應弦而倒徐
夢莘三朝北盟會編建炎四年正月朔車駕發

昌國縣金人陷昌國縣金人知鑾輿已入海道

乃自明州乘小鐵船泛海潮無風至昌國縣縱

火劫掠至沈家門而回

謂金人至沈家門與至碇頭不同

乘輿

纔隔一日寶慶志亦云與金人隔一日俱無拏

御舟之說李心傳繫年要錄建炎三年十二月

癸巳上至昌國縣庚子上發昌國縣四年丙寅

御舟移次溫州之館頭先是金人自明州引兵

昌國典詠

卷四

四四明叢書

約圖刊本

攻定海縣破之遂以舟師絕洋侵昌國縣欲襲

御舟至碇頭風雨大作和州防禦使樞密院提

領海船張公裕引大舶擊散之敵乃去上聞明

州失守遂引舟而南與金人纔隔一日趙姓之

遺史云金人聚小鐵頭船泛海隨潮過昌國縣

至沈家門而回不知沈家門卽碇頭否也

以上李心

傳王明清揮塵後錄虜以舟師絕洋劫昌國縣

復欲攻象山縣至碇頭風雹大作俗謂轉碇海

道最險處也遂回大率自正月十六日陷明州

至二月三日方去宋濂朝京臺景祐廟碑景祐
廟者宋殿前司統制祖公廟也公諱域字貞夫
其先閩人後徙明奉化之松溪公有文武才建
隆中以剛毅稱邑人感德之既沒皇祐二年遂
作廟於忠義鄉之福慶里建炎四年高宗南奔
御舟次碇頭金人將舟師追其後將及見赤旗
數萬蔽海上金人沮懼而退是夕提領海舟張
公裕夢神人虎鬚魚服奏對上前自稱官位姓
名公裕以聞高宗多公之績制封文惠侯賜廟
額爲景祐緒曾案李心傳未深考海道沈家門
在昌國縣之東北碇頭在昌國之南判然兩地
王明清謂欲攻象山至碇頭是也由衢頭南出
火燒門過竹葉山卽碇頭一作旗頭旁接六橫

山近鎮海梅山

海舟奮擊張公裕更助碇頭風雨威他日岳家軍不召
陰山定奏凱歌歸

戰洋

寶慶四明志鼓吹峯在翁浦中其山之陰曰戰

洋曰馬舉其對卽偃王祠也世傳孫恩之竄亦在此案恩自其叔泰以罪誅卽竄海島史雖不指島名以地考之隆安四年夏四月寇浹口入餘姚五年二月丙子又自浹口攻句章及滬濱海鹽之敗自浹口復竄於海浹口蓋今定海昌國之間虎蹲蛟門之側也跡其出沒皆由於是則其巢穴容有在此者矣今之遺址爲偃王爲恩未可知也定海縣志在縣東三十五里吳謝舉案實慶志二說並存蓋以偃王不以戰名故說孫恩加詳

昌國典詠 卷四

六 四明叢書
約圖刊本

五斗王郎不控弦句章浹口漲烽煙若非鏡裏龍盤客
鯁室誰能殪水仙

蓮花洋

盛熙明補陀傳元至元十三年伯顏部將哈喇歹來謁洞下杳無所見乃張弓引矢射洞而回登海舟蓮花滿洋遂驚異悔謝明周應賓普陀山志倭人入貢見觀音靈異欲載還國滿海生

鐵蓮花舟不能行倭懼而還之

案大德昌國州志日本國僧慧

諤自五臺山得瑞相欲返故國舟抵新螺船不爲動諤諤之曰使我國眾生無緣見佛當從所

向建立精藍有頃舟行竟泊於潮音洞下有居民張氏目覩斯異亟舍所居雙峯山卓峯奉之俗呼爲不肯去觀音院 朱謹普陀山志宋元豐中倭人入

貢云云與明普陀山志同又云宋中官王貴等詣山禮佛心未敬信辭歸滿海阻鐵蓮花貴望山叩謝有白牛浮至盡食其花舟始移白牛還立水次乃一白石如牛元盛熙明補陀傳元豐中謁者王舜封使三韓遇風濤大龜負舟惶怖致禱忽觀金色晃耀現滿月相琮纓粲然出自岳洞龜負舟行泊還以奏上聞始錫寺額曰觀

昌國典談卷四

七四明叢書約園刊本

音竇陀 明錢希言繪圍高皇帝命信國公往補陀山有意燬滅其寺忽海中鐵蓮花攤出水面燦然作鍊金色光燭上下魚龍交沸信國舟不及波而返奏聞帝異之卽命官修葺殿宇敕命到日共見大青牛浮海而至吞嚙鐵蓮花葉其聲如雷舟始獲濟至今落伽山五里有蓮花洋石牛港郡國利病書分水礁蓮花洋籌海圖編嘉靖三十二年五月副使李文進副總兵俞大猷兵將於蓮花洋定海縣志蓮花洋縣東往洛伽必經此結會按東出沈家門塘頭嘴過此洋歷金鉢盂山泊短姑道頭登普陀

火種金蓮海鐵蓮須知非佛亦非仙此心不作風波窟
安穩乘槎到日邊

丁家礁

大德昌國州志丁家礁絲舟山解纜一餉可到
左大茆港右螺頭洋亂石蘄然起乎中間潮溢
則礁石汨沒而不露舟人弗戒或與石遇則
維楫俱亡令王與善爲之攻堅植表以示來者
屹然中流之砥柱定海縣志丁窰婦礁昌國令
王與善豎石表爲標記後圯里人朱文仁捐貲
復之棄遣後又廢左營遊擊葉紀善斥俸修豎
湖來風逆猛相爭萬弩齊排萬馬聲左轉右旋帆力飽
中流一柱看分明

香火礁

大德昌國州志香火礁在馬秦大海中每歲三
月閒大魚揚鬐鼓鬣從大洋來會於礁之下定
海縣志一名分水礁與馬秦山相近

萬鱷千鯨擁急湍掀天倒海勢漫漫風流誰是任公子
笑引惇牛下釣竿

銅礁

大德昌國州志在胸山今衢山礁之石如銅水紺

碧色今名銅錢山案今石浦別有銅錢礁

黃頭郎笑蜀山傾海口誰汗阿堵名莫訝決波濟不盡
望洋爭羨孔方兄

黃牛礁

明海鹽彭長宜崔瞿齋詩稿普陀歸舟過橫水
洋風順波恬頃刻見黃牛礁喜而紀之詩云首
春泛海舟夜渡迷所向志心禮名山兼天任波

昌國典詠 卷四

九四明叢書

約園刊本

浪俄參彼岸回破除一切障舟師促歸帆橫水
仍瀟漾雲霧掃碧空螺髻洗妙相蛟龍戢鱗鬣
鼉鼉斂溟漲霽日何融融乘風潮始上推蓬正
穩流水天渺一望瞥見黃牛礁波紋蹙萬狀回
思去時路目眩神猶蕩人生苦海中業風高千
丈安得大智慧慈航發還暢潮音天際落剎那
離海藏揮手謝陽侯殷勤感靈貺緒曾案彭長
宜字申伯崇禎十六年進士除上海知縣明亡
棄官隱山中遇兵豐山下傷脰垂絕復蘇悲憤

扼吭而死上海海鹽皆爲之立祠黃牛礁定海縣志形勝作黃由礁鎮定兩邑水程往來之半青牛吞鐵白牛浮禮拜名山穩放流破浪乘風成底事不如歸去跨黃牛

濕港

寶慶四明志金塘鄉洄港村又指使兩員一治洄港一治岑江大德昌國州志烈港村在南開慶四明續志吳潛海道事宜招寶山至烈港一鋪一名獵港東北一潮可到傍近有七里嶼鐵

昌國典詠

卷四

十四

明叢書

約圖刊本

杵山俱是小山每有風潮衝激而上不可置立烽燧若天氣清明煙旗火號僅可相應或遇海氣溼濛霧露遮蔽風雨晦明皆難應號烈港山至五嶼山一鋪舟山志烈港去城北百十五里逼近金塘山嘉靖三十五年都督盧鏗擒斬倭酋辛五郎等三百八十餘人於此勒石更名平倭港籌海圖編嘉靖二十二年閩三月官兵追擄烈港賊巢王直敗走烈港地形曲折賊首固盤據卒難進剿都御史王公扈躬至溫州閱圖

審形謂兵船雖多難以直騁乃令參將俞大猷湯克寬分爲二哨部署既定大猷由烈表門以當其前克寬由西候門進以防其逸謂賊一出則一哨可以追勦不動亦可以全制也至是大猷募熟諳山脈徑路之人侯得等潛入賊營期以十一日舉火爲號而自移營木輿距賊巢止隔一山分遣把總張四維屯龍山黎秀屯雲霧遙爲聲援夜四鼓侯得等縱火賊營煙燄蔽天官兵乘之賊驚奔爭舟死者無算乃大敗走直

率精銳潰圍而出泊馬蹟潭軍門以大猷并兵獨進雖破賊巢而違我節制使賊得逸深責之又云官兵與賊戰於烈港軍人葉七死之七定海衛軍賊王直負金塘烈港穴爲寇大將俞大猷提舟師直入其港討擊火礮大發勝負未決而我舟忽掛賊纜檣楫不施賊眾方違七徑取斧投水斫其纜未及斷賊以鎗中其項七呼曰死矣吾必斷其纜竟連揮數斧纜斷而死俞舟遂免後四日俞大破賊空其穴俞之舟入也有

二卒後期當刑因請閒燒賊礮以贖死俞許之
二卒從外海緣山越險幾有百里晝伏夜行潛
抵賊砦時夜近四鼓而賊方礮藥少頃困劇而
臥二卒卽其處焚火火藥橫發羣砦俱燄灼賊
方酣睡駭而突走墜水死者踵繼俞乘燄進舟
師崩之遂成奪巢之功又嘉靖三十五年金塘
之捷云辛五郎者宿寇徐海之偏裨也與陳東
葉宗滿麻葉輩同巢柘林攻乍浦圍桐鄉毒螫
吳越諸州郡其志欲吞全浙窺留都勢甚猛也

昌國典詠

卷四

十二

四明叢書

約園刊本

總督胡公

宗憲

欲滅之忌海與其黨旣而海受餌

爲我用擒其所惡陳東麻葉輩而遣其所歡以

歸倭島辛五郎在焉公密令總兵俞大猷等分

布海洋要衝而五郎則責之盧鏗鏗接密諭時

方對諸客食忽命治艦之金塘山客相顧莫知

所謂鏗自乘福船令子相督率哨船爲前驅次

日至金塘瞭見北洋有大舟揚帆而南令哨船

四散潛泊少選大船艤金塘之麓賊皆登憩鏗

知其爲五郎也令哨船叢射之繼以鐵礮賊以

手且搖且招搖者示勿攻擊招者示有所言也
相乃颺言曰欲打話須去爾兵器賊拍掌示無
而呼一董一董者一家之義乃倭語也有華人
從寇者曰吾乃胡總督爺招安放回者也相問
曰有牌驗乎曰有鏜招眾賊至舟旁慰藉之謂
五郎曰汝既爲軍門所遣豈可慢乎請至縣款
洽而津送之遂延五郎同舟餘派哨船分載每
載不過三四人多則不能容也五郎辭鏜厚加
禮貌五郎不疑宴至深夜鏜坐福船上層將臺
侍者引雙鏜上桅俄而哨船蠅聚鏜問之曰如
何相對曰是了五郎大驚請下哨船與眾夷同
宿鏜曰請令左右送之穴梯而下至蓬戶外望
惟大海而已五郎悟欲赴水死左右不許曰臥
榻在垣平下五郎度不能免浩歎就臥相縛之
翌日入定海關乃知賊徒俱已芟盡卽前夜起
雙鏜時也是了者乃復命也羣賊死時皆不知
軍門之謀愈訝哨兵敢行誤殺五郎亦自以偶
遇盧鏜被執不知其出軍門也嗚呼神哉後獻

俘告廟天子賜璽書獎公天下無不稱快云崑
山進士王宇撰讀史方輿紀要烈港縣西北五
十里東出海近金塘山俞大猷巡營木罌與賊
僅隔一山出奇攻之木罌蓋在烈港之東定海
縣志瀝港縣北八十里瀝表門東北海中金塘
瀝表之閘

雙燈紅引智機深一董聲呼自就擒瀝表門高看勒石
莫將功業讓梅林

雙嶼港

昌國典詠

卷四

十四

四明叢書

約園刊本

寶慶四明志雙嶼山石珠山在東南舟山志去
城東南百里南洋之表爲倭夷貢寇必由之路
嘉靖閒總制軍務朱公紘命備倭都指揮盧鏜
率兵堵塞之時朱公贈鏜詩曰梅港雙龍伏桃
洋一斧開彩旌麾日月金鼓駕風雷揮毫煙氣
落醴酒浪頭迴送子圖南去雲中起將臺肩順
之自乍浦下海至舟山入舟風惡四鼓發舟風
恬日霽波面如鏡舟人以爲海上罕遇是日行
六百五十餘里詩島夷頻不靜玉節遠何之誓

清萬里寇敢憚一身危閭卒精風候吳兒慣水
嬉黃頭紛百隊白羽颺千旗擊鼓靈鼙應揮戈
海若隨龍驚冬不鰲鮫畏晝停絲昨夜波濤怒
中霄雲霧披天澄鏡光發風激縠紋滋鄒衍瀛
洲數莊生秋水詞乾坤元莽閩人世自牽羈已
傍漁山泊還尋馬跡期日昇看暑轉途變試鍼
移雙嶼厓門險半洋礁石奇從來惟賊路今日
有王師待獻經營迹三山勒一碑

梅港桃洋一路開指揮上將馭風雷南天全仗雙龍鎖

昌國典詠

卷四

十五四明叢書

約園刊本

不遣長鯨拔浪來

洩潭

乾道四明圖經洩潭在縣東北三十六里萬壽
院內境其潭在山腰石上深淺莫測凡遇旱涸
祈請輒應寶慶四明志宣和中旱簿尉劉佖投
以詩曰未躍天衢臥寂寥碧潭流溢海山腰埋
藏頭角雖多日鼓動風雷在一朝既若有心成
變化豈能無意澤枯焦神蹤許爲蒼生起願
香車上九霄詩成而雨時人異焉宋陳郁藏一

話狀亦載此事史浩鄞峯真隱漫錄昌國洩瀆
祈雨疏民亦勞止莫蘇就稿之苗天必從之願
霽爲霖之雨蒸投鷲嶺祇禱龍淵灑道清塵肅
花幔而匝地升雲上氣從水澤以盈疇凡我有
生敢忘大賜大德昌國州志辭主簿竇詩秋高
水壯雪飛濤巖木招風怒發號不是玉虹低飲
澗白龍拖雨下山腰辨寘字持志號耘齋少以
文鳴及長以聖人執權賦
預鄉薦登慶元五年第調衡陽簿時史公彌堅
帥湖南黑風湖寇相挺而起公被檄往撫諭將
至洞有及其姓名者其酋忽言曰非四
明作聖人執權賦辭直耶乃投戈而退案潭在

昌國忠詠 卷四

十六 四明叢書

約園刊本

皋洩輿

潭底龍眠穩抱珠一詩驚起潤焦枯但存霖雨蒼生願
自有風雷腕下驅

岱山龍潭

大德昌國州志岱山龍潭依山之麓其潭有三
相去數步闊不尋丈深不盈尺禱旱投以尺書
則有物若蟹捧而入問有狀如鰻者躍而出或
誠不能感則既沈之書復浮於水

尺書大蟹捧雙螯雨躍靈鰻草木膏一紙浮沈誰拆看

欲尋龜殼問盧敖

菖蒲潭

大德昌國州志菖蒲潭在州西岑港之別嶼其潭深不可涯溪有菖蒲生其中歲旱則禱之又小壩潭在州西三十里遇旱則禱之有蜥蜴出焉郡國利病書岑港有龍洞其神甚靈異其出入地方可得而知竹葉向內則龍在內竹葉向外則龍在外海向有一人失足入洞中云洞直通響礁門洞內俱乾復得出萬曆二十六年有

昌國典錄

卷四

十七 四明叢書

續園刊本

施姓者因天旱祈禱無雨施願捨身爲一方請雨隨至龍洞口投下繼而屍卽浮起頃刻大雨如注

竹葉披風內外敷從龍雲氣不模糊爲霖卽是長生訣
願採仙人九節蒲

桃花龍潭

定海縣志桃花龍潭在桃花山之腰洞口瀑布
冬夏不竭欲雨先布雲霧布豎山頂相傳明時
四明旱大耄民人延巫航海巫先行過一洞信

步直入見老嫗與一小女理髮繫紅繩以爲飾
嫗曰汝從何來巫指洞以對嫗叱之速回遲則
禍將至巫懼急出而洞已沒矣惟見偕來者望
潭拜禱有一紅頸小蚓浮水面再拜而請之舟
回將及岸風雨驟至歲大有民感之請於官建
宮立碑以祀

年年柔翰慚春蚓欲學龍跳總未能輸與桃花潭上女
赤繩一繫卽飛騰

九節鰻潭

昌國典詠 卷四

一六四 明 鼓書

約國 刊本

大德昌國州志九節鰻潭在州東五里畦塍間
一古井耳有人於其中得一鰻歸而鬻之析爲
九將投諸釜怪風倏起視其鰻無有也他日復
汲於井則鰻洋洋而出九節顯然鄉人神之以
爲龍過旱必禱焉

淵靈一例博封侯笑爾屠龍技未優仙杖擲來成九節
依然化去葛陂游

鄭山龍潭

大德昌國州志鄭山龍潭在州東大前村有山

危峭不可躋攀山之巔舊有石罅一村民因采
樵浣垢衣其閒視之則紺碧狀及其歸若有所
憑依譎言觸龍之怒故然遇旱禱之有金絲蚘
蜴者出緒曾案今在大展廳

脫將塵垢洗清漪怒觸龍未睡時此讖欲徵天水碧
幻成蜥蜴漾金絲

天童蒲

寶慶四明志建炎三年十一月呂頤浩奏車駕
乘海舟以避虜騎壬午定議航海己丑廢諸班

昌國典詠

卷四

十九四明叢書

約開九本

直獨神武中軍辛企宗有眾數千而御營使呂
頤浩之親兵姚端眾最盛於是扈從泛海者宰
執外惟御史中丞趙鼎右諫議大夫富直柔權

戶部侍郎葉份中書舍人李正民綦崇禮太常
少卿陳戩六人而所夕密衛於舟中者御營都

統辛企宗兄弟而已癸巳

十二月御舟次昌國

縣戊戌

二十日

金人陷越州己亥

二十日

乃議移舟

溫台以避之庚子

二十日

御舟發昌國縣徐夢莘

三朝北盟會編建炎四年正月朔車駕駐昌國

縣案所載日月稍異陳與義傷春詩廟堂無策
可平戎坐使甘泉照夕烽初怪上都聞戰馬豈
知窮海看飛龍卽指駐昌國胡仲孺箋註簡齋
詩集未能詳也熊克中興小紀敵眾以船攻昌
國縣欲追襲御舟時提領海舟張公裕引大船
擊敗之敵遂退籌海圖編天童巖居民百餘家
氣勢頗壯但力不支內有紫皮巖居民千數若
協力共守彼此可以無事內有鹿夫善射曾勝
倭寇宜令悉力防守讀史方輿紀要天同巖在

日國典詠

卷四

二十四

明叢書

約圖刊本

舟山之岑江司東南其相近有紫皮巖嘉靖三
十七年胡宗憲遣奇兵出此搗岑港賊巢定海
縣志天童浦縣西四十里有天童浦縣西四十
里有天童山臺案天童一名蒲沙明嘉靖閒胡
宗憲遣奇兵由天童逕搗賊船

艤舟策定呂忠穆履蹕功歸辛企宗安穩六飛巡海上
尖山合拜紫微封

查浦

寶慶四明志查浦在東夏侯曾先地志云吳伐

越次查浦深入至此宜句踐不能忘也定海縣志北外洋乍浦石子岱山圖高亭壘外有狹港浦門案此查浦今謂之乍浦門在岱山之東故寶慶志云在東若平湖之乍浦則在西矣宋時此查浦屬昌國彼乍浦屬海鹽名相近而地不同也

蘇臺酒未醉夷光曾遣戈船下北洋若使會稽成席捲甬東早已屬吳王

清金陵朱緒曾述之撰

螺頭門

大德昌國州志螺頭山去州半潮有島突起其狀拳然如螺又云螺頭巡檢司在州之西隅七里舟山志螺頭山城西南有島突起海心其狀如螺故名壽海圖編舟山螺峯巡司雖有官署之設而巡檢弓兵俱散處民居螺頭壘與螺峯烽墩離城十五里賊易登犯須遷民入城則可

昌國典詠 卷五

一四明叢書
別圖刊本

又鹿頸烽墩近海民少勢孤常被賊登犯須遷入而後可讀史方輿紀要螺峯寨在舟山所城西南十五里有巡司定海縣志螺頭門縣西南二十里出此卽橫水洋案舟人云螺頭有內外二山

外螺頭接裏螺頭小島圍青海面浮水陸關鍵嚴結寨西郊孺戶亟綢繆

竹山門

大德昌國州志竹嶼山與舟山對境兩山夾峙

上有叢竹附潮而上者由此謂之竹嶼門舟山志竹嶼山西南海中隔岸止十餘丈叢竹生焉定海縣志竹山門縣西南五里自縣治出此始至螺頭門緒曾察衙頭至竹山門五里道光辛丑三月建築土城設久安長治二門八月十七日舟山復陷定海鎮總兵提督銜葛公雲飛壽春鎮總兵王公錫朋處州鎮總兵鄭公國鴻死之自十二日暎夷駕船欲駛進竹山門被礮轟擊桅斷竄去復據五奎山支搭帳房亦被礮燬

昌國典詠 卷五

二四明叢書

約園刊本

復欲駛入吉祥門攻東江浦俱被擊退會天連雨轉戰泥淖士氣益振夷船知不能攏岸至十七日遂由陸路打曉峯嶺蠡擁直突三鎮激厲將士自辰至未殺傷相當夷復迭進夾攻我軍寡不敵眾兼以鎗礮紅透不能裝打三鎮相繼同歿於陣蓋拒戰已六晝夜可謂使士用命誓死報國者矣緒曾至舟山父老指其地曰此廿里墩乃葛鎮殉難處也此竹山門乃鄭鎮與副將託安泰殉難處也此曉峯嶺乃王鎮殉難

處也議立祠肖像合祀之

記曾海水漲紅煙慘淡陰雲雨血天六晝夜軍酣戰鬪
旌旗猶繞土城邊

十六門

舟山志龜山之外曰淡水坑山東江山青雷頭
山石衝門山東南海中數峯突起潮汐經流其
中旁爲十六門亦名爲十六門山讀史方輿紀
要昌國城東七里有青雷頭山高二里與城西
五里曉峯山對峙青雷頭東南海中又有石衝

昌國典詠 卷五

三 四明叢書

約園刊本

門山數峯崛起潮汐環流亦名十六門山定海
縣志石弄山離縣東南約二十里山石玲瓏雲
影穿瀾潮汐經流其中動盪不已旁爲十六門
又呼爲石衝山緒曾案此石弄山與寶慶四明
志所云石弄山在東北開慶續志所云石衝山
至壁下山一鋪大德昌國州志所云石衝山在
海之東北不容牽混爲一山以此在東南彼在
東北也船自南洋來者自蝦歧山大德志蝦歧
定海縣志作
歧入十六門對青雷頭山一名畢家灣

羣峯攢簇浪花堆八卦排聯八陣開船向蝦峙山下轉揚帆一瞬到青雷

灌門

大德昌國州志灌門去州兩潮屹乎中流有一砥柱望之如人拱手而立水滙於此旋涌若沸舟行必浮以物殺其勢而後過焉風雨將作有聲如雷震驚百里歲旱有所禱則持鐵篆以投之水輒騰起雨隨應或者爲蛟龍之窟宅云定海縣志灌門縣東北又灌門龍潭縣北四十五

昌國典詠卷五

四四明叢書

約圖刊本

里案灌門大德志屬金塘鄉今屬富都八圖干
碗壘

雨隨鐵篆沸驚潮颯捲雷轟撼斗杓驤首天吳愁地裂
手扶蒼柱倚岩巉

響礁門

籌海圖編胡宗憲策普陀之賊與岑港之賊相距不遠陸路必由碇齒水路必由響礁門乃檄諸將設伏以待已而賊果二處奔沈家門又云碇齒隘與外港相對

詳岑港

定海縣志響礁門縣

東北礁石玲瓏海潮相觸其聲洪洪然故名案
響礁門在縣西北云東北誤也

巖擊鯨經雪浪衝廣張金奏宴蛟龍髯蘇文筆雄如海
但核桑經辨石鐘

沈家門

大德昌國州志沈家壘卽其地籌海圖編嘉靖
三十六年四月賊舟漂至沈家門副使王詢總
兵俞大猷令把總誘降五十三人悉斬之又云
陳錢馬蹟羊山大衢乃沈家門之外藩也沈家

昌國典詠

卷五

五

四明叢書

約國刊本

門水寨乃信國公所設以四山太遠難於聲援
不若沈家門與定海哨報易及策應沈家門寨
原係水操之地有軍防守近皆取回番船去來
皆泊於此內有趙壘南壘蘆花壘大展壘去寨
三五里向者居民築牆大嶺阻截總路賊徑由
水路或閒道而入累被劫掠更須慎守庶克有
濟明曹時中臨沈家門水寨詩才徵身老一書
生水寨春深坐閩兵山到極邊看有色潮同大
海聽無聲分屯里堡三軍肅鬪檻雲旗五色輕

擊楫中流思其濟敢於生死負皇明舟山志舟
山周圍皆海賊舟無處不可登岸而東之沈家
門切近烏沙門去普陀不遠一望海洋浩淼無
際島夷相連嘉靖乙卯夏倭船百餘隻突犯普
陀而入據之遂至東浙鼎沸及征兵七省費金
錢四千萬幸而撲滅皆由平日無備致此禍患
實南北兩洋扼要之區爲舟山最衝要之地宜
設重兵以守之今參將標下官兵分派三信一
時有警策應不前深爲可虞案地之極衝者沈

家門誠重矣而漸出塘頭亦正不輕皆昔係倭
奴流突之處今屬盜賊窺伺之區次衝者岑江
碇齒二處塗淺易登入犯爲易讀史方輿紀要
沈家門寨在舟山所東八十里原係水操番船
去來皆泊於此內有趙壘南壘蘆花壘大展壘
去寨不過三五里以大嶺口爲阻截要路嘉靖
中倭賊多由水路或開道而入官軍擊御之失
程紀由沈家門經蓮花洋石牛港鉢盂山共七
十里至補陀山海防書分哨於沈家門初哨以

三月三日二哨以四月中旬三哨以五月五日
由東南而哨歷分水礁石牛港崎頭洋孝順洋
烏沙門橫山洋雙塘六橫雙嶼青龍洋亂礁洋
抵錢倉而止凡非山積固大伏頭花腦等處爲
賊舟之所經行者可一望而盡由西北而哨歷
長白馬墓龜鼈洋小春洋兩頭洞東西霍抵洋
山而止凡大小衝灘澗山丁興馬跡東庫陳錢
壁下等處爲賊舟之所經行者可一望而盡定
海縣志沈家門縣東過此卽蓮花洋明季備倭
此處爲第一險要又聖母宮在沈家門舊祀戚
公繼光李公應詔張公可大劉公草堂於後廊
今改天妃宮舟人云沈家門對日本長崎對馬
島西風七晝夜卽至其國元蘇天爵滋溪文稿
長葛縣君張氏墓誌銘朝廷以日本梗化不庭
出師征之由慶元汎舟入海凡七晝夜抵達可
島去其國七十里潮汐盈涸不常舟弗能進乃
縛艦爲寨碇鐵靈山下考元史大德三年三月
癸巳命江浙釋教總統補陀僧一山齋詔使日

本詔曰向者世祖皇帝嘗遣補陀僧禪智如智
及王積翁等兩奉璽書通好日本咸以中途有
阻而還自朕臨御以來綏懷諸國薄海內外靡
有遐遺日本之好宜復通問今如智已老補陀
僧一山道行素高可令往諭附商船以行庶可
必達蓋欲成先帝遺意至於惇好息民之事王
其審圖之先是浙江平章伊蘇特爾勸帝用兵
日本帝曰今非其時因其俗奉佛遂遣一山齋
詔往使而日本竟不至明彭長宜泊沈家門詩

昌國典詠 卷五

八四明叢書
約園刊本

巖門深峭海波平
戍櫓頻傳夜柝聲
欲訴離愁
眠未穩起看殘月
趁潮生
案頭嘴有半升筍
臺

信國威名靖海疆
弓刀諸將肅祠堂
西條金澤多文庫

應有奇書遶貢航

西條筆書記山并鼎七經孟子考文
凡例稱其國足利學有宋板五經尾

張國校經并德明刊聖書治要凡例稱寫以藏其金澤
文庫後爲文忠公云徐應行時書未焚恐仍有古映爲
佚存叢書
所不載者

黑棋子灣

大德昌國州志黑棋子灣在烏石塘之左其形

圓巧紺滑欲得之者必禱於神撒黑豆易之元
黎山則安南志口陀伎山有地園遠在海濱出
墨石棋子色可愛余嘗遊之逢老者云此山百
餘里又有出白棋子俗傳仙人常弈於此

黑棋灣對白棋灣點漆圓成石子斑小吏銜花來白事

墨雲噴過爛柯山

爾雅翼古今注墨魚爲海若白事小吏鄭全祖望云閩人呼墨魚爲花枝

白棋子灣

大德昌國州志白棋子灣與黑棋子相對望螺
蚌之甲隨潮上下淘洗成質瑩潔光潤欲得之

昌國典詠卷五

九四明叢書

約園刊本

者撒白米易之案寶慶四明志棋子灣在候濤
半山之間有小沙灘其下通海出石棋子人欲
取之先以白米或黑豆撒其中翌日得棋子各
隨其色又大德昌國州志下塘在州東蘆花村
突起一塘一百丈其中皆小黑白石子則知黑
白石子非一處也宋韋驥賦石棋子詩靈巖山
下石採拾比珠璣圓璞生雖小文楸數可圍紛
紜星並賞黑白玉爭輝值賦神工妙磨礪俗巧
非透關經手耐爭道轉心稀落落無情甚誰爲

勝負機沈括夢溪筆談案文蛤卽吳人所食花
蛤也魁蛤卽車螯也海蛤今不識其生時但海
岸泥沙中得之大者如棋子細者如油麻粒黃
白或赤相雜蓋非一物乃諸蛤之房爲海水礮
礪光瑩都非舊質蛤之屬其類至多房之堅久
瑩潔者皆可用不適指一物故通謂之海蛤耳
螺甲隨潮白暈生不須圓璞色晶瑩麻姑玉粒輕拋擲
要賭珠宮角一杯

聖母池

昌國典詠 卷五

十四明叢書

約園刊本

大德昌國州志聖母池在道隆觀聖母殿之前
方廣僅尋丈舊創嶽祠邑有急足洪姓者詣究
州東嶽山取杯水歸鑿斯池以滌之人有禱者
攜紙錢一束投其中神或顧歆則倏然而墜若
有掣之者不然則泛泛於上或者視此以爲禍
福之驗又云漩潭在州北五里僅一堂坳水汲
之不竭過旱則祭之又云聖池在黃公墓之南
舊傳此地聚落未成時有二尼築庵於古木下
修浮屠業不知何許人後徙居者眾二尼遁迹

去遺跡尙存中有池瀦水清冽可食至今以聖
池名云

碧霞宮裏儼垂旂引得靈源勝卜爻大海細流都不擇
莫輕杯水泛堂坳

芙蓉洲

寶慶四明志學校淳熙十六年令王阮徙於縣
南之芙蓉洲王應麟大成殿碑記淳熙間王令
遷於芙蓉洲西挹秀涵清氣勢闕偉俊又偉士
含章挺生緒曾案王阮字南卿九江人學於朱

昌國興詠

卷五

十一四明叢書

約園刊本

子著義豐集有昌國偶成詩諸邑皆山可夜馳
風潮阻渡連天地期會中巖限日時願以此身
從幸免忍將人命逼諸危峻門山下須與死食
肉諸公留別昌國五首亥意絃歌學子游迄今
知不知三異比中牟丁寧今夜
東風雨添起潮頭去未休全家雖脫海波危舊
治無人味十奇孤奉明恩顏似甲卻嘆兒女笑
嗜嘻三山月淡白銀鬪九老春間紫石宮此去
能爭幾多地恨無仙骨到其中當時底事乞身
歸萬物何曾與我違最是臨歧更腸斷海鷗獨
自掠船飛扶桑曾見日騰空老去歸田不復東
一覺短簷他日夢昌國秩滿次陳糾祖行韻昔
起來惆悵曉窗紅督郵眷昌國不令自賦歸去
督郵逐彭澤今之督郵眷昌國不令自賦歸去
來更以新詩祖行色開緘賦識雨濛濛細讀字
字含清風塵埃三載足昏塞一聽妙語還惺惺
持歸柴桑有茅舍揭之其間作佳話非惟可託

陶淵明亦愧
今年督郵者

明貝瓊遠清堂記距昌國縣東三

百武有洲曰芙蓉其水縈紆南流以入於海洲

之上皆蓮芙蓉其異名也當三伏時紅披翠掩

雖鏡湖三百里亦無以過定海縣志芙蓉洲宋

學宮地明時猶植芙蓉隱脫翔有詩今建營署

案宋明植荷而脫翔詩乃詠木芙蓉所謂拒霜

花者

詩云海上年年發舊叢數枝瀟灑傲西風
黃花有分陪幽探綠水無情映淺紅清淡
暗拋秋雨裏香腮冷起夕陽中品

題非是無人愛自恨開時景不同舟山志脫翔

字漢羽號愛梅適郵有高曠家植桃柳梅芙蓉

昌國縣詠 卷五 十二 四明叢書 約閱刊本

乞翔詩翔和其芙蓉詩通郡目爲脫芙蓉則非

詠昌國芙蓉洲明甚定海縣志蓋不知爾雅荷

芙蓉之訓致有此誤也又陸宇燝芙蓉洲感舊

詩云不見霜花發故叢又云碧鳥新來失樹紅

皆與違不合

鳴琴善教憶南卿頰沿紅芙蓉蓋擊何事攀芳吟木末

秋風秋雨不勝情

平水聞

舟山志洪常平水聞記

昌國古滄洲也其地在
東北控登蓬海島東捍

三韓日本唐開元二十六年始置翁山縣後廢於大祿六年袁晁之變五代時地爲鄆屬宋熙甯六年因部使者以蓬萊安期富都三鄉際海乃置尉以主竊寇事越三年創縣名昌國至元五年陞爲州洪武初改昌國縣守禦千戶所十年國公湯和起遣懸海居民內境四里仍屬於鄆二十五年始改隸於定海永樂十六年都指揮谷祥重加繕理正統八年戶部侍郎焦公宏整飭邊務以其城廣兵少不足於守備遂裁其東東北隅而小之卽今之城也城內鎮有河浦通海湖城南置水門以流利壅滯凡遇春潦秋漲不能不爲之患時必興工濬導庶其少弭事屢勞而訖無成功成化五年欽差總督備倭都指揮使張公勇按部至此視之嘆曰斯城河及溝浦皆通潮枯溢苟不有以處之則軍士庶民非惟利有弗獲而久則恐反蒙其害非小也於是相度厥宜鳩工庀役鑿石固基伐木疊岸創開一

昌國縣志 卷五

十三 四明叢書

約園刊本

座名之曰平水內以疏河疏之泛溢外以禦海潮之怒奔不踰月而告成謹枯溢啓閉之節獲灌既圍圍之益豈惟息其勞沾其利雖淫雨漫潮之沓至可以免壅滯衝激之患矣定海衛指揮千百戶等官謂公是役其費也微而其利也廣壺紀其績以示將來相率謁余文用勒於石余惟天下之事固不一要莫大於利人能利於人則雖有勞咸樂從事如文王之經營靈臺而庶民子來白公之穿渠引涇而民享其利皆政績之美而足以垂之於後況此舉也所勞甚約而惠之所及者甚博乎公總督沿海兵政凡利之所在必使人人得以沾之茲於一閘之置亦必深思遠計盡其心而不忽自非識見超異處事周詳倦倦以體國愛民爲念曷克致此可書也余故述其建置城守沿革而陶積重建平水備書以爲記俾後人有所攷焉

開新墾記 翁城去海里許外內濠河皆通潮沙南穴城爲水門以疏導之濠隄缺開

雨連日則潦水浸淫其內潮汐至則淤流衝激其外且時當水涸濠隨潮枯溢成化聞總督張公勇患之乃爲石隄而開於濠之南口啓閉以時內外無患曰平水歲久利漸匪昔總督劉公翹把總顧公邦重以茲開值難方不宜見剋於坎議別築其右咸弗果行近大尹宋公繼祖胥厥風水地宜亦欲塞舊閘引東北山水上流注諸濠而西爲新閘允符前議且於地方形勝民田灌漑兩利仍慮事弗易集則僉軍民善事者六人治之量括占田家以助工食仍許田隄外隙塗價眾勞費經畫將行去任弗就嘉靖壬戌鄧督盧公鐘突心邊務謂茲舉切要茲地移文有司請遂行之命前六人其備銀若干給在官羨餘銀若干量收占田人銀若干仍令量移舊閘石爲新閘之需引東北水注之濠而以時蓄洩橋其舊址填其外浦之南口由是墊水常盈獲嚴形勢利一也水抱城域無礙離方增其形勝利二也浚治內溝俾無盈縮之患利三也蓄

昌國典詠

卷五

十四四明叢書

約園刊本

浚茲禾並濟占田者利四也修治海塘可田二百餘畝公私獲益利五也具此五美成前諸志民不勞而事卒舉公之惠利四方於茲爲大矣且公究心邊務不特此耳內外樹柵嚴城守也增置敵臺便武用也受降有亭紀殊功也文筆有峯萃明秀也書院鼎建崇儒教也是雖功未盡竣引身南旋尙冀嗣在此地耆武美繼休俾武功文治漸被無涯吾鄉亦何幸哉余聞先賢張津知明州而開湖濬水王文正築海隄以衛田蕭振奏委土豪以修陂塘迄今民享其利而功光史策今三公禪心邊務若此前人豈得以專美之一哉盧公諱鏗字子明別號九山浙之括蒼人分董其役者則衛使李興縣尉張可大張卞僉請其事遂鑄諸貞珉以示將來張可大平水閘碑銘文見張莊節公祠下

南濠舊壘疏桃漲西碛新開引稻騰潮信淺深量玉尺

地形高下測金繩

筆硯池

大德昌國州志蟹池在州治前周數十丈方廣如一亢陽不枯舊傳蟹潛其中一名筆硯池定海縣志今皆爲圃緒曾案今池乃新鑿在衙山下
拈得龍鬚詠十洲暫供游戲海雲秋風雷豈是池中物
下視人間卽墨侯

貢士莊

昌國典詠 卷五

十五 四明叢書

一納園 刊本

大德昌國州志舊於往宋咸淳年間令姚濂任內以邑民張氏爭訴立嗣縣以其家產業五分之一申於府於臺於部照應隸學置莊專爲貢選士人計偕之費歸附後至元十七年升州存縣以本莊田糧歸學後縣革而學亦廢有司收係入官逮至元甲午欽奉聖旨節贖贍學地土產業及貢士莊諸人毋得侵奪欽奉如此雖屢告於有司迄今未歸諸學

年年挾策踏槐黃席帽隨身孰辦裝多少寒儒頰頰首

莫教零落歎荒莊

曉峯鹽場

乾道四明圖經曉峯鹽場在縣西十二里柳永
字耆卿以字行本朝仁廟時爲屯田郎官嘗監
曉峯鹽場有長短句名留客住刻於石在廨舍
中後厄兵火毀棄不存今詞集中備載之寶慶
四明志東江鹽場縣東八里有子場曰曉峯在
縣西十一里屯田郎官柳永耆卿嘗爲監場有
長短句題壁因兵火失之

樂章集留客住偶登
明憑小樓鹽陽時節

昌國典詠 卷五

十六 四明叢書

約園刊本

乍晴天氣是處閒花芳草遙山萬里雲散漲海
千里潮平波浩渺煙村院落是誰家綠樹數聲
啼鳥旅情稍遠信沈沈離魂杳杳對景傷懷度
日無言誰表悵悵舊歡何處後約難憑看看春
又老盈盈淚眼望仙

大德昌國州志柳永字耆
卿嘗爲曉峯鹽場官其鬻海歌云鬻海之民何

所營婦無蠶織夫無耕衣食之源太寥落牢盆
鬻就汝輸征年年春夏潮盈浦潮退刮泥成島
嶼風乾日暴鹽味加始灌潮波溜成滷滷濃鹽
淡未得閒采樵深入無窮山豹蹤虎跡不敢避
朝陽出去夕陽還船載肩擎未遑歇投入巨窟

炎炎熱晨燒暮燥堆積高才得波濤變成雪自
從漉滴至飛霜無非假貸充餼糧秤入官中得
微值一緡往往十緡償周而復始無休息官租
未了私租逼驅妻逐子課工程雖作人形俱菜
色驚海子民何苦辛安得母富子不貧本朝一
物不失所願廣皇仁到海濱甲兵淨洗征輸輟
君民餘財罷鹽鐵太平相業爾惟鹽化作夏商
周時節緒曾案耆卿詞爲大家其詩不多見然
如此篇洞悉民瘼實仁人之言定海縣志失載

昌國典詠

卷五

十七四明叢書

約園刊本

此詩當補入也

大德昌國州志本監舊皆鑿盤取土於六月雨汛之間八月始

起煎亭戶雖有上半年之逸若雨汛時分陰兩
稍作則歲計遂誤大德元年管句黃天祐始以
上命巧出方略改鐵盤之制用篾盤隨時起土
一如此他所春卽起煎亭民遂得時用其力預
期補辦無歲終積欠敲扑之峻實多便之人皆
稱黃天祐之有才亦典史劉子敬顏園潘厚處
置規畫
之力云

積雪飛霜韻事添曉風殘月畫圖兼耆卿才調關民隱
莫認紅腔昔昔鹽

岱山鹽場

葉適水心集邵叔豹墓誌銘自名司顯吏之外

碎曹猥局無不因人廢興其職任雖卑近而倖
門弊尤更爲深遠而難治傲胥豪客之所噬攫
官人徒縮氣肯首反得善譽奮而自爲未嘗無
禍也君之子持正爲余言君監岱山鹽場時事
曰場監至賤也走書乞索日至州縣將有土木
之書或傭借夫力上司拋買提刑司所謂五分
頭子皆於此乎取提鹽及州縣吏每年帳例緡
錢千餘他所須求尙不預舊常使甲頭持狀名
借於官謂之請本煎實剋亭戶錢以應諸費君

昌國典詠

卷五

六十四明叢書

約園刊本

初到受前官牒亭戶借欠錢至六千百餘萬曰
已豁其半矣昔吾受牒蓋不至此君大驚曰鹽
買可足耶陰白於州爲從上邊絕者盡罷蠲之
痛抑諸費甚不可免則買鹽有餘錢足以當矣
久之亭戶爭煮鹽中官君爲益買零鹽隨稱輕
重得錢增十八九右曹上其最進官者再焉君
又禱提鹽除紹興年借欠亦且千萬自是亭民
不復笞訊始著新衣置家具君亦治版庾飾公
廨內外堅好矣岱山在明州昌國縣大海際居

者數千君直其爭訟烏聚歡服不干守令曰自有岱山場未有也吏與甲頭故爲借狀者方大怨君竟訟君妄用鹽本錢有司考君一任無借狀用四百餘萬雖買鹽之餘蓋本錢也君無以解笑曰法當是奈何惟處置耳太守極諒君無私得免然瀕於罪矣世常曰仕不舉職爲可媿然而有人之過有法之患夫法不爲人計也所以待有罪而已世不獨貪賄不材而後得罪於法也廉善有能亦未免焉人之情無以勸而法有所待則雖名司顯吏將畏悔而不勇爲者多矣況如君者亦幸而免爾而猶勇爲之夫合碎曹猥局之事無一不治而後得稱治其治之難如此然則余於君之事所以載之詳者非以君能監一鹽場爲可傳也嗟夫君諱叔豹字隱甫姓邵氏溫州平陽人

五分頭子困斯民猥局誰知大有人能使水心傳一事
亭民歡喜著衣新

嘉芹

大德昌國州志去洲兩潮在黃公壘之北其水
多芹取古人食芹之義因以名

依簷舊種公孫竹緣砌新鋪道士裙慈茗與渠辛味滌
采芝人去采香芹

大德昌國州志物產有公孫竹道士裙
荒網經大蒜茗慈慈蔥蘭蔥興渠

塗田

大德昌國州志塗田乃海濱塗汎之地有力之
家累土石爲隄以捍潮水日月滋久塗泥遂乾
始得爲田或遇風潮暴作土石有一罅之決鹹

昌國典詠 卷五

二十四明叢書

約圖刊本

水衝入則田復塗矣往宋元筆二百七十六頃
八十三畝二角六十九步歸附後至元十八年
方計畝起租每畝科徵米二升爲儉於產米以
鈔折焉每升準中統鈔六分半則是每畝止科
一錢三分此朝廷寬大之恩至元貞二年例行
括勘應干隱瞞田土郡委州判提調自是出首
叢然是歲秋省委官到府增塗田租稅州縣率
皆承意郡機州判赴府講究州判謂吾州周遭
皆海每歲秋潮捍海之隄必有決者不惟無米

可收抑且無田可種實非其他州縣一方一隅
濱海之比若照例增租在官之入至微斯民之
害無窮甚非朝廷愛養基本之意具狀請於省
委官請於郡時路達嚙嚙齊月列亦有志於民
力主是議遂得不增象山亦按此例額亦仍舊
自餘州縣增多矣今有叢考至大德元年遂筭
田四百六十一頃九十九畝三分視往宋已倍
其數續奉上司指揮科徵正米而田又略增大
德二年至筭田四百九十八頃四十六畝八分

昌國典詠卷五

二 四明叢書

約園刊本

實徵米九百九十六石九斗三升三合四勺四
抄由是無寸田尺土之遺矣

州判講究塗田租米狀昌國州判官

馮福京照驗八月十一日承奉總府指揮爲塗田租額向諸當職赴府以定擬事奉此於今月十七日到府與各州縣官講究得海塗田畝各州縣地勢高低不等元科租額不同切照昌國在虞海中散管四鄉一十九都除富都一鄉與本州連陸外其餘三鄉都分俱各放在海洋不比其他州縣止是一邊靠海所有塗田周圍皆城內浸灌民自備本業墾戶使墾爲田苟失時不修隄岸崩漏田復爲塗其近海岸田畝與鹹水爲鄰止可種稗其去海岸稍遠與山脚相接方可種稻若遇久旱則鹹氣蒸鬱禾盡枯槁設或久雨則山雨泛溢禾盡於沒惟雨水調勻方可得熟然後及其他州縣下等所收之數又兼本州別無淡水河港其山水注下去處皆

與潮通鹹水易以衝入以此並無肥田近據民戶畢信等告亡宋時每畝納鹽會十八界五百文歸附後起徵省米八合七抄有零折中統鈔一錢二分以中熟年分秋成價數言之亦可買折省米二升今擬塗田每畝科徵折省米二升以爲相應矣觀此申述則州民之貧困亦可想見豈忍重賦之哉

明鄭真榮陽外史集遂初老人王厚

孫傳署郡直學塗田在昌國爲豪民侵奪力陳

其事皆得復

又云袁文清所撰四明志或有譏於僉憲沙木斯鼎將毀其板老人

白之王太守元恭曰袁公中朝名臣書法高古不可毀也太守持書以進僉憲驚悔命與舊志並行屬老人成續志若干卷

氣蒸鹹水敗田禾無定風潮斥鹵多獨狀民艱陳月列

昌國典詠卷五

三二四明叢書

約園刊本

忍書上考博催科

舟山井

至正四明續志舟山井去海不數武沙泉甘美

可愛山海相接而鹹淡之味漫異

原君何事播神通鹽井羞他慣攘功君子淡交甘割席

幼安不與子魚同

惠泉井

大德昌國州志惠泉井在州地一里深可二丈

許往宋端拱二年所鑿也大旱不枯閒有白蛇

出現井之靈歎

銜珠往往出靈淵莫問隋侯報德年桑苧翁無觀海目
浪誇第一惠山泉

宮井

勝朝殉節諸臣錄錦衣衛指揮王朝相舟山破
護魯王妃嬪入井用巨石覆之自刎其旁諡烈

愍董戶部守諭續九歌宮井篇序云

舟山既破魯王元妃

陳氏宮嬪張氏義陽王妃杜氏投井眞足有光
史間矣內監劉朝錦衣衛王相昇巨石填井以
滅其迹乃自刎於井旁其辭曰吾欲挽天孫百
尺之白練兮爲菑拭此胭脂痕裊交襟濯入地

昌園典詠 卷五

三三四明叢書 約園刊本

兮飲痛於九原今已矣兮蒼蠅無聲交得日御
兮朝至尊君朝賦壺餐兮菹夕而賦烏鴛歲大
稔兮其荼苦兮采葛采葛含奇冤今已矣兮梧
花雨滴落目繁銀牀夜半依離魂君爲國恤兮
遵海而遁菴獨何心兮戀此故宮羞景陽之辱
井兮二八飛香繞齒寒痛昇石以滅迹兮死者
不朽生何以自存乃齒劍以覆井兮陰燐負壑
痛孤猿耿正氣於掖庭兮忠智締結捐頭顱虧
齒者四星爭光兮亦何愧勃貂之與管蘇粹湛
盧之颯颯兮飲飛失色動地呼籲從地下以祓
此不祥兮海雲幽咽冥蒼鳥

全祖望鮎埼亭集宮井碑文舟
山何以有宮蓋明亡以後監國魯王一旅居焉
故自稱曰宮也宮之井何以傳志監國元妃陳
氏死節地也井以宮冽宮亦以井尊也予考甲

申北都之難熹廟烈廟二后死之其時文武殉
難諸家新樂侯劉公眷屬最多而劉文正公馬
文忠公汪文烈公陳忠愍公成金兩忠毅公其
母若妻若妾皆有死者其家居聞訃自裁則王
節愍公婁說者皆以爲中宮陰教之隆致之也
然是猶濶槩遠葛之所聚舟山彈丸一區耳辛
卯之役元妃死之其文武殉難諸家亦有若定
西侯張公眷屬最多而閣部張公尙書李公朱
公兵曹李公都閩吳公之家死者不一其家居
聞訃自裁則給事董公妻夫孰非笄珈大節所
感召歟抑何其先後相合若符節也元妃爲吾
寧之鄞縣人世居鄭丞相府大池之北其女兒
歸於吾家僉事府君監國次於會稽張妃主宮
政而妃以丙戌春入宮會西陵失守監國自江
入海保定伯毛有倫扈宮眷自蛟關出期會於
舟山道逢張國柱亂兵殺掠擁張妃去妃在副
舟中急令舟人鼓棹突前追兵不及伏荒島數
日飄泊至舟山監國已入閩旁皇無所歸吏部

尚書張肯堂遣人護之得達長垣監國見之流涕始進冊爲元妃在海上者三年風帆浪楫莫副山河之容己丑黃斌卿伏誅始復入舟山先是張妃在會稽其父張國俊頗豫事元妃歎曰是何國家是何勛戚而尙欲爾爾乎至是親族有至者悉遣之辛卯大兵三道入海監國以蛟關未能猝渡親帥師搗松江以牽其勢蕩湖伯阮進居守敗死大兵直抵城下安洋將軍劉世勳議分兵先送宮眷然後背城一戰元妃傳諭辭曰將軍意良厚然蠓灘鯨背之閒懼爲奸人所賣則張妃之續也願得死此淨土乃止城陷元妃整簪服北向拜謝投井而死義陽王妃杜氏宮娥張氏從焉錦衣指揮王相內臣劉朝共掌宮事歎曰眞國母也豈可使其遺骸爲亂兵所窺相與舁巨石填井平之卽共刎其旁而死董戶部守諭爲作宮井篇哭之乙未英義伯阮駿再下舟山訪得妃死狀卽其井封之立碑致祭而表言於監國加謚貞妃丙申舟山又陷其

碑被仆嗚呼天下之善惡一也景陽之辱高頴
正法於青谿不可以爲暴則舟山之烈雖經易
代而表章不可以爲嫌當妃未死嘗遣閒使至
中土寄書訊其女兒歷敘蛟關之掠長垣之困
琅琦之潰健跳之圍操尺組而待命者不知凡
幾鬼火以當庭燎黃檠以充葛藟猿鳴龍嘯以
擬晨雞苟延餘息荼苦六稔然到頭終擬一死
以完皎然之軀其節素定如此向使當時史局
諸臣達之興王之前豈有不動色矜歎附之二

昌國典泳 卷五

一五

四期破書
約圖刊本

后傳中者奈何并此不食之泥溼沒恐後是皆
不知聖朝旌厲幽冥之盛者也嗚呼惟翁洲卽
前宋之厓山也況元妃爲鄞產是尤吾鄉所最
有光者宮可亡井不可沒矣乃議爲勒石而附
董戶部之詩以當些辭董詩見前厲志白華山人稿

宮井篇注井在鎖山下總戎府後上有榴樹父

老相傳卽所謂宮井詩云

將軍壽國母事在倉粹開蛟門惡浪高千

尺井中之水清且寒簪服北向拜從容沈入淵
井上紅欄今不死滴滴淚落井中水淺碑側臥
無人讀字畫依稀沒荆杞西營老卒飲馬求飲
罷移纒行復回空山夜半作風雨望帝魂歸心

骨推

白龍魚服欲何之
簪珥禕衣向北辭
誰道艱難惟一死
不留辱并拭胭脂

昌國典詠卷五

昌國典詠 卷五

毛四明叢書

約園刊本

四明叢書

四明叢書
約園刊本